

湖南苗防屯政考

7邊 4  
1392  
15



明 74  
清 1332  
卷 15



湖南苗防屯政考卷十三

二品銜前署湖南辰永沅靖道但湘良纂

儲備

部覆准撥司庫留備銀兩發道分別備用買穀

嘉慶十一年五月准咨

准戶部咨開湖廣司案呈准 湖南巡撫阿 咨稱據署布政司

呈詳照得苗疆均屯告蕞酌議經久章程八條籌捐存貯銀穀一  
款所以備荒歉而資接濟現在臚列具奏並聲請於司庫內籌撥  
銀三萬兩發交傅道以二萬兩先買穀二萬石分撥收貯以一萬  
兩存貯道庫備用業經鈔錄原奏條款札行遵辦存案查苗疆附  
近一帶現在糧價正平亟應乘時買貯而歸屯丁勇業已停支鹽

糧此時卽有應行墊支之項自當迅速籌撥以資接濟卽於司庫內先行籌撥銀三萬兩委員解交辰沅傳道查收辦理仍將籌撥銀款及委員銜名起解日期具文報查等因當經成陞司詳請於留備項下借動銀三萬兩委員解交辰沅道並聲明此案俟奉到硃批再行咨部查核其所借銀兩應俟嘉慶十一十二兩年在於攤扣三成軍需銀內動支歸還茲值成前司陞任卸事所有任內經管各款錢糧現須造具收支交代冊結移交前項借動銀兩尙未詳咨似應先行咨部立案除將條奏章程俟奉到

硃批再行恭錄成本詳咨外合先敘詳咨部立案等情相應咨達等因前來查先據該撫等具奏酌擬苗疆均屯經久章程八條內等捐

存貯銀穀以備荒歉並資接濟一款據稱各路屯丁練勇豐稔之年足敷食用惟年歲豐歉靡常必須預爲籌備查湖南軍需內有例不准報銷等銀九十五萬三千餘兩於巡撫兩司道府州縣養廉內每年攤扣三成約銀三萬兩應扣至嘉慶二十四五年清完懇請展扣二年將嘉慶十一十二兩年約扣銀六萬兩留爲捐備之用先於司庫籌款借撥本年先行籌撥銀三萬兩發交辰沅傳道以二萬兩先買穀二萬石分撥收貯以一萬兩存貯道庫備用等因經大學士等議准覆奏在案今據該撫咨稱苗疆附近一帶現在糧價正平亟應乘時買貯而歸屯丁勇業已停支鹽糧此時卽有應行墊支之項自當迅速籌撥以資接濟經陞任藩司成甯

於司庫留備項下借動銀三萬兩委員解交辰沅道庫所借銀兩應俟嘉慶十一十二兩年在於攤賠三成軍需銀內動支歸還所有前項借動銀兩先行咨部立案其條奏章程俟奉到

**硃批**

再行恭錄成本咨送等語本部查前項借動藩庫銀三萬兩核與議覆原奏相符應准其借動仍咨該撫遵照原奏飭令辰沅道傳爾以二萬兩於糧價平減之區買穀二萬石分撥鳳凰乾州永綏古丈坪保靖等廳縣收貯以一萬兩存貯道庫俾資接濟仍於該撫等應得十一十二兩年養廉銀內攤扣歸款並將扣還各款按年分晰報部查核其道庫存貯銀兩各廳縣分貯穀石年終造冊送部備查並知照湖廣總督可也

部覆准撥司庫地丁銀兩解道分別備用買穀

嘉慶十一年六月准咨

准戶部咨開湖廣司案呈准 湖南巡撫阿 咨稱據署布政使巴哈布詳苗疆均屯告蕨酌議經久章程八條內籌捐存貯銀穀一款共需銀六萬兩先於司庫留備協餉項下借支銀三萬兩委員解交辰沅道彈收以二萬兩先買穀二萬石分撥歸貯以資接濟以一萬兩存貯道庫備用詳請咨部在案茲於嘉慶十年地丁銀內動借銀三萬兩將一萬兩委員解交辰沅道彈收存貯道庫備用其餘銀二萬兩暫行另款存貯司庫並移該道於應行採買之時再赴司庫請領辦理除將續借十年地丁銀三萬兩俟入於嘉慶十年民賦奏銷冊內開造報部查核仍俟十一十二兩年

三成軍需銀兩扣收時另行歸還報部理合詳請各部查核立案等情相應咨達等因前來查先據湖南巡撫等具奏酌擬苗疆均屯經久章程內籌捐存貯銀穀以備荒歉並資接濟一款據稱各路屯丁練勇豐稔之年足敷食用惟年歲豐歉靡常或遇青黃不接之時必須豫爲籌備查湖南平苗軍需案內有例不准報銷等銀九十五萬三千餘兩於巡撫兩司道府州縣養廉內按年攤扣三成約銀三萬兩應扣至嘉慶二十四五等年清完懇請展扣二年將嘉慶十一十二兩年約扣銀六萬兩留爲捐備之用請先於司庫籌款借撥將二萬兩發交辰沅道存貯道庫遇有應行借墊之項詳明動撥隨時歸補動銀四萬兩於糧價平減之區採買穀

四萬石酌撥鳳凰乾州永綏古丈坪保靖等廳縣收貯如遇年歲歉收及青黃不接之時詳明借支接濟秋後免息收還仍將十一十二兩年攤扣養廉先儘歸還此項借款再行接扣軍需賠項等因經大學士公阿 等會同本部議准覆奏在案嗣據該撫咨報先於藩庫留備協餉項下借動銀三萬兩委員解交辰沅道以二萬兩先買穀二萬石分撥收貯以一萬兩存貯道庫所借銀兩將嘉慶十一十二兩年攤賠三成軍需銀兩歸還等因經本部覆准亦在案今據該撫咨稱續於嘉慶十年地丁銀內動借銀三萬兩將一萬兩委員解交辰沅道存庫備用其餘銀二萬兩另款存貯司庫令該道於應行採買之時赴司請領辦理所有續借嘉慶十

年地丁銀三萬兩俟於該年民賦奏銷冊內造報仍將十一十二  
兩年三成軍需銀兩扣收歸還等語本部查與議覆原奏相符應  
准其借動仍咨該撫轉飭遵照原奏分別辦理並將扣還借款並  
道庫存貯銀兩以及各廳縣分貯穀石按年分晰造冊報部查核  
並知照湖廣總督可也

會奏屯田被旱欠租分別蠲緩摺

嘉慶二十四年

湖廣總督慶保  
湖南巡撫吳邦慶

奏為苗疆本年各屯田租穀因旱歉收並歷年積欠佃租催追無完

額懇

天恩可否分別緩免仰祈

聖鑒事竊照湖南苗疆均田屯勇設立屯防征收佃租以為歲需經費  
所有苗屯各佃承種官田原皆由民均出並有苗人退出歸公均  
在山岡高阜地皆礲瘠絕少塘堰灌溉每遇水旱不齊即致收成  
歉薄苗屯各佃皆係貧苦所納額租又較輸賦為重是以逐年不  
無帶欠不得不緩帶征還其不敷經費歷年墊款支放本年苗疆

夏閒雨澤愆期屯田早中二稻並山莊包穀被旱枯槁多致無收  
惟晚稻雜梁續霽雨澤稍獲收成據護辰沅永靖道袁廷極稟稱  
苗疆額征屯租九萬九千餘石今飭據屯防委員及屯備弁勘明  
各廳縣屯田被旱歉收等次不一統計牽算僅可收租至六萬餘  
石計與額租歉收三萬餘石爲數較多無力墊用應請預爲籌款  
支放等情當經<sub>臣</sub>等批飭藩司委員確勘去後嗣據委員沅州府  
知府藍嘉瓚武岡州知州許紹宗前往會同按畝履勘實因苗屯  
佃種官田皆係瘠薄之區今夏被旱較重收成卽至大歉覈實總  
計苗屯無收佃租鳳凰廳一萬一千七百一十五石零乾州廳一  
千九百七十五石零永綏廳八千一百五十一石零古丈坪廳二

百九石零保靖縣一千九百三十八石零麻陽縣七千六百五十  
六石零瀘溪縣四千三百三十五石零總共無收佃租三萬五千  
九百八十三石零委無捏飾情弊各廳縣造具清冊並該委員造  
具印結由司道議請分年緩帶征還並請將嘉慶十六十九二十  
二十一二十三等五年苗屯佃戶積欠各租蠲免以紓佃力等情  
詳奏前來<sub>臣</sub>等伏查本年苗疆屯田因旱歉收業經委員等查勘  
確實所有歉收租穀三萬五千九百八十三石零若仍向各佃於  
本年催征全完未免佃力拮据合無仰懇

聖恩

緩至嘉慶二十五年秋後分作三年帶征完足其嘉慶十六年苗  
屯佃欠租穀一萬三千一百二十八石零十九年欠租八千六百

五十石零又二十年欠租一千五十二石零二十一年欠租二千五百九十八石零二十三年因被蟲傷歉收並佃欠共一萬四千九百四十五石零俱經該道等逐年詳明所有經費均係墊用總共積年佃欠未完租穀四萬三百七十六石零均係實欠在佃該道等屢次催追無完並無以完捏欠情事查苗屯各佃歷年積欠佃租至四萬三百餘石若此時一並帶征催追不但各佃力有未逮且恐有名無實本年恭奉

恩旨蠲除積年民欠據該護道稟稱苗聖各佃望

澤孔殷紛向籲求援照民欠豁除<sub>臣</sub>等伏思佃欠與民欠原屬無異可否恭懇

逾格鴻慈俯照民欠積逋准與蠲免以廣

皇仁而揚

聖德惟查苗疆經費歲支有常每年額征佃租九萬九千九百餘石豐歲始能照數收足歉收之年止收至七萬石豐歉牽算可收八萬餘石而每年應支正籌各款經費共需穀八萬七千餘石經前撫<sub>臣</sub>籌款設立儲備銀穀遇有歲歉經費不敷始准動用均經前撫<sub>臣</sub>廣厚於十九年清查均屯籌補儲備案內 奏蒙

聖鑒本年佃租因旱歉收多至三萬五千餘石現在 奏請緩帶征還

其二十五年屯防經費自應先行籌款動墊<sub>臣</sub>等現飭查照原案於儲備項下暫行借動支用俟帶征租穀歸補原款其十六年佃



欠穀一萬三千一百二十八石零不敷經費業經前撫臣廣厚於十九年奏案籌捐補足惟十九二十二十一二十三二十四等年佃欠二萬七千二百餘石不敷經費均經該道等墊款動用其所墊實在銀數臣等現與藩司翁元圻並該護道等確查案據熟籌歸補容俟定議另行奏

聞謹合詞恭摺具奏伏乞

聖上睿鑒訓示謹

奏奉

硃批另有旨欽此嘉慶二十四年十二月十二日內閣奉

上諭慶保等奏苗疆屯田欠交租穀懇恩分別蠲緩一摺湖南苗疆屯

田地本饒瘠歷年俱有蒂欠今夏雨澤愆期收成歉薄若照舊催追佃力不無拮据著加恩將鳳凰等廳縣本年無收佃租三萬五千九百八十三石零俱緩至二十五年秋後分作三年帶征以紓佃力再本年普免天下積欠錢糧所有苗屯佃欠自十六年至二十三年共未完租穀四萬三百七十六石零並著加恩一體蠲免以示朕惠洽邊民普視同仁至意欽此

Blank page with vertical lines, likely a separator or a page with very faint text.

會奏借款發商生息以資苗疆經費摺

嘉慶二十五年

湖廣總督慶保  
湖南巡撫李堯棟

奏為苗疆經費拮据用無歸恭摺 奏懇

聖恩俯允酌籌借項生息以資供給還款而垂久遠事竊照湖南辰沅永靖道所轄苗疆周圍七百餘里界連黔粵與各種苗徭錯處最關緊要嘉慶十年前撫臣阿林保等設立均屯於籌議章程案內奏明將各廳縣士民均出田畝除分給各路防守屯丁自耕自食並撥與備戰練勇付佃收租作為應支口糧鹽菜外餘田所收租息以供各屯弁應得俸餉及歲修礮卡並一切籌銷外款之用並因儲備必不可缺奏請於通省攤捐三成軍需項下展扣兩年共

銀六萬兩以二萬兩存貯道庫以四萬兩採買穀四萬石分貯廳縣各倉以備歉歲缺收借給屯練口食及緩急不時之需籌畫本屬周妥惟各廳縣士民等均出各田畝多係磽瘠之地且苗疆跬步皆山水旱偶有不齊收成卽至歉薄屯丁旣鮮蓋藏佃戶復多拖欠因而數年之間將儲備銀穀一項借墊殆盡經前撫<sub>臣</sub>廣厚於十九年奏准分別捐賠並將攤捐三成軍需請再展扣一年歸補備貯在案茲自十九年以來頻年又多借支而十九年至二十三年佃欠未完租穀二萬七千二百餘石業經<sub>臣</sub>等奏蒙

天恩准予豁免聲明道庫墊用經費另籌歸補又二十四年苗疆被旱歉收各佃欠交租穀三萬五千九百八十餘石復蒙

恩准緩至本年秋收後分作三年帶征其例需經費仍須道庫墊發現據護辰沅永靖道袁廷極以前次續補儲備銀穀又將動用無存會同署藩司啟良詳請籌補以資接濟等情前來<sub>臣</sub>等查苗疆重地經費斷不可少儲備亦不可廢從前撫<sub>臣</sub>阿林保等以均田分撥抵給屯練丁弁口糧及各項應用之款祇係按照各田畝例納租穀之數計算嗣於十九年卽經撫<sub>臣</sub>廣厚飭查確實奏明苗疆每年應額征正餘租穀九萬九千九百餘石每年應支弁丁俸餉鹽菜口糧正款及籌銷外款共穀八萬七千一百餘石如果豐收足額尙有盈餘但歷年所收租穀總不過八九萬石及七萬石之數豐歉牽算每年只可收穀八萬石等語應支必不可少之經費

湖南直隸司正考 卷十三  
需穀八萬七千一百餘石而所收均田之租穀牽算僅有八萬石核計每年所短經費以穀折銀均約短至六七千兩卽無佃欠及因災蠲緩情事亦屬不敷支放而正銷外銷應用各款皆係前任道員傅鼐悉心議定詳請奏准施行又不可輕議裁減致令現在鎮道廳縣於撫緩駕馭或有掣肘之處但因動用儲備之款旋補旋缺六七年後甫行清理一次未免遲緩並涉煩瑣且積貯所重者在防備緩急亦非專爲墊放俸餉及籌銷外款而設若仍援照前案再請展扣攤捐三成軍需以爲撥補轉令司庫待補之正款日久虛懸亦不過徒爲目前補苴之計臣慶保上年在湖南時卽與臣李堯棟彼此面商必須另籌一經久之策方與苗疆有裨而

飭查司庫又別無閑款可動伏思我

皇上化行于羽苗民懷畏

德威至今馴服安帖實屬從來所未有前此設立屯防屯丁應給口糧卽與兵餉無異原以分有均田可資費用不請動支正項今均田租穀因豐歉不齊收無足額致頻年入不敷出臣等受

恩深重旣已深悉情形自當據實陳明通盤籌畫現復往返札商熟思

審計與其屢請展扣攤捐三成軍需銀兩合無籲懇

皇上天恩俯准於湖南藩司庫內借動徵存地丁銀十萬兩發交漢岸

殷實商人分領管運按月一分行息每年應繳息銀一萬二千兩

由湖北鹽道催收分作兩次解交湖南藩司卽以五千兩先行撥

還此次借動地丁項下陸續歸補十萬兩本款其餘七千兩全行轉發辰沅道庫先儘當年應支正款經費不敷之用責成該道於籌銷外款一項樽節經理再將所餘銀兩無論多寡儘數歸於儲備項下陸續歸補蒙

恩豁免佃欠之墊給經費穀銀二萬七千二百餘兩及歷年借用外銷之款似此分別籌辦不特苗疆經費無虞支絀儲備銀兩得歸實貯即現借之地丁本款亦可按年收回歸補不致虛糜一俟扣還地丁本銀及補足借動備貯原款後則苗疆可得息銀一萬二千兩經費更覺充裕加以存本十萬兩添作備貯原款尤爲緩急足恃屯防悉臻完備矣如蒙

俞允

臣

等即當轉行遵照飭取領銀各商花名清冊報部存查並飭湖南藩司於每年收到撥還借動地丁銀五千兩隨時報部候撥其辰沅道支用應給正款屯餉不敷銀若干兩令於年底造冊移司轉詳咨部又籌銷外款一項雖經各前撫臣奏明毋庸報部應飭將實在需用同不敷若干之數按年造報督撫兩衙門稽查俾知有所節制而昭覈實臣等實因苗疆非腹地可比經費與儲備並重亟須從長計議起見謹合詞恭摺具 奏伏乞

皇上睿鑒訓示謹

奏嘉慶二十五年五月二十七日內閣奉

上諭慶保等奏苗疆經費支絀請借項生息以資供給還款一摺湖南

湖南苗匪互攻

卷十三

儲備

七

辰沅永靖道所轄苗疆前經設立均屯將租穀應支弁丁俸餉鹽糧以及歲修礮卡之用又於攤捐軍需項下儲備銀穀借給屯練口食嗣因歉收借墊雖經捐賠歸補又以豁免佃欠經費漸形支絀自應籌補接濟着照所請准其於司庫借動地丁銀十萬兩發交漢商生息每年繳息銀一萬二千兩先以五千兩撥還借本其餘七千兩全發道庫支應各款並歸補豁免佃欠分晰造報俟歸補全完其存本十萬兩及歲收息銀均作為備貯專款以備儲蓄而垂久遠欽此

奏屯田被旱徵租不足經費短缺請先借通米經費款支給

摺 嘉慶二十五年

湖南 巡撫 李堯棟

奏為本年苗疆屯田因旱歉收徵租不足並帶徵上年佃欠無完經費短絀恭摺籲懇

天恩俯准分別緩帶徵還請先動借銀兩以供支給仰祈

聖鑒事竊照前據護辰沅道袁廷極具報本年苗疆地方夏雨稍稀民間田畝均有塘堰灌溉收成六七分不等惟均田本係民間捐出並苗人退出歸公多在山岡高阜土皆磽瘠且少塘堰中晚二稻並雜梁收成統計僅止五分有餘各佃補種秋蕎正在長發九月初九等日連次大雨山水陡發多被沖刷等情當經 臣 飭藩司委

岳常澧道多賚親詣確勘並於恭報雨水情形摺內 奏蒙

聖鑒

在案茲據委員岳常澧道多賚前往按畝履勘核實綜計屯田無收佃租鳳凰廳計穀一萬四千五百九十七石零乾州廳計穀三千九百一十四石零永綏廳計穀一萬九百七十七石零又土租三千七十二石零古丈坪廳計穀二百七十七石零保靖縣計穀二千二百六十七石零麻陽縣計穀八千一百三十三石零瀘溪縣計穀四千六百二十九石零總共無收佃租穀四萬七千六百九十八石零實因夏間被旱歉收補種秋蕎復被山水沖刷並無捏飭情弊各廳縣造具清冊並該委員加具印結由司籌議詳請具 奏前來 臣查苗疆屯田租穀每年額徵九萬九千九百八十餘石本年因旱

歉收補種秋蕎又被水沖僅可收得租穀五萬二千二百九十餘石歉收租穀四萬七千六百九十餘石該佃等上年因旱歉收業將無收佃租 奏明於本年起分帶徵還今歲復又被旱收成雖有五分之餘若仍全行催徵苗屯佃力未免拮据合無仰懇

皇上

天恩俯准將本年歉收佃租四萬七千六百九十餘石緩至明年秋後分作三年帶徵完納其應帶徵二十四年佃租穀三萬五千九百八十餘石亦請緩至明年秋收後遞緩帶徵以紓佃力惟屯田租穀應行支放屯弁丁勇俸餉鹽菜口糧並修理礮卡及籌銷外款又續有加增各款共歲需穀九萬四千五十餘石每年全徵佃租穀九萬九千九百八十餘石止餘穀五千九百三十餘石今

因旱歉收僅徵穀五萬二千二百九十餘石不敷穀四萬一千七百六十餘石臣與藩司左輔及該護道袁廷極等通盤籌計查原設儲備銀二萬五百八十兩儲備穀四萬石原備歉收借動而設因嘉慶九年以後節年歉收動借業於二十四年臣奏明在案現在所存儲備穀數無多本年因苗疆儲備無幾經費頻年短絀會同調任督臣慶保 奏請借撥地丁銀十萬兩發交湖北漢岸鹽商按月一分行息每年應得息銀一萬二千兩分別歸還借款並經費不敷之用如有盈餘儘歸儲備原款奉

**旨允**

准遵辦但所收息銀項下至年終始能扣足一年交收現在一切經費在在需支所有本年佃租歉收不敷經費穀四萬一千七百

六十餘石籌銷外款內尚可節減穀九百二十七石六斗實計不敷經費穀四萬八百三十餘石以穀一石折銀一兩計少經費銀四萬八百三十餘兩應於司庫暫行借項支發查司庫現有各屬公捐解還通米經費銀五萬一千餘兩可以動借並懇

聖恩俯准按數由司撥解道庫支用仍俟帶徵變價歸還如蒙

俞允再行動撥其原設儲備銀穀歷年動借支發現在實應存貯數目

臣查尙有輻輳未清之處現飭藩司率同委員等與該護道逐一清算詳報勿任稍有欺隱所有苗疆因旱歉收佃租議請緩帶徵還及動借經費緣由理合恭摺具 奏伏乞

聖鑒訓示謹



奏嘉慶二十五年十一月二十八日奉

上諭李堯棟奏苗疆屯田被旱懇請恩施並動借經費一摺湖南苗疆屯田本年夏間缺雨收成歉薄若仍照舊催徵佃力不無拮据著加恩將鳳凰等各廳縣本年歉收佃租四萬七千六百九十餘石俱緩至明年秋成後分作三年帶徵其帶徵二十四年佃欠租穀三萬五千九百八十餘石亦着緩至明年秋後遞緩帶徵以紓佃力至支放屯弁丁勇俸餉並修理碉卡等項共不敷銀四萬八百三十餘兩准其於司庫現存捐還通米經費銀兩按數動借俟帶徵佃租變價歸款該部知道欽此

部覆豁免屯防帶徵舊欠並動用儲備積貯銀穀道光元年十二月准咨

戶部謹

奏為遵

旨議奏事內閣鈔出湖廣總督臣陳若霖湖南巡撫左輔奏稱湖南苗疆均田歲徵租穀九萬九千九百餘石以為屯防經費之用嘉慶二十四年被旱歉收各佃欠繳租穀三萬五千九百八十三石零經前督臣慶保前撫臣李堯棟奏奉

恩旨分作三年帶徵嗣因二十五年復逢早歉各佃欠繳租穀四萬七千六百九十八石又經前撫臣李堯棟等奏奉

湖南苗疆屯田

卷十三

儲備

六

諭旨俯准分年帶徵並將二十四年佃欠租穀遞緩徵收統計兩年佃欠租穀共八萬三千六百八十一石零除前護辰沅永靖道參革沅州府知府袁廷極交出已徵匿報二十四年租穀一萬一千一百一十九石有奇已將袁廷極奏參另行審辦並將穀收貯外實在未完租穀七萬二千五百六十二石零飭令辰沅永靖道於本年秋後實力帶徵旋據該道趙文在以民苗各佃因連年旱歉力難完繳籲懇奏免並據各屯苗備弁查明實在情形稟道轉據藩司錢臻核議詳奏<sub>臣</sub>等復查苗疆地瘠民貧該佃等終歲勤勞所獲無多在豐稔之歲收穫穀石除納完額租外僅供口食一遇年歲歉收輒形匱乏且原佃逃亡他徙另召頂耕而新更之

佃勢難責令代人完欠卽本係欠租之戶本年秋收租穀雖屬豐稔而秋後雨水稍稀山地雜糧未免收成較薄各佃於完納額租之外復帶徵二十四五兩年緩徵租穀體察情形實屬力有未逮合無仰懇

皇上俯念苗疆連年旱歉佃力實在拮据將嘉慶二十四五兩年未完租穀共七萬二千五百六十二石零

恩准全行豁免至前因苗疆經費不敷動用儲備積貯穀亟應乘時採買足數<sub>臣</sub>等另行奏懇借款買補以實邊儲等因於道光元年十二月十一日奉

硃批戶部議奏欽此遵於本月十四日鈔出到部<sub>臣</sub>等伏查嘉慶二十

五年十一月二十八日奉

上諭李堯棟奏苗疆屯田被旱懇請恩施並動借經費一摺湖南苗疆屯田本年夏間缺雨收成歉薄若仍照舊催徵佃力不無拮据着加恩將鳳凰等各廳縣本年歉收佃租穀四萬七千六百九十餘石俱緩至明年秋成後分作三年帶徵其帶徵二十四年佃欠租穀三萬五千九百八十餘石亦着緩至明年秋後遞緩帶徵以紓佃力等因欽此當經臣部行文該督撫欽遵辦理在案今據湖廣總督陳若霖湖南巡撫左輔奏稱嘉慶二十四五兩年苗疆屯田被旱歉收各佃欠繳租穀共八萬三千八十一石零除前護辰沅永靖道參革沅州府知府袁廷極已徵匿報二十四年租穀一萬一千一百

一十九石有奇另行奏參審辦並將穀收貯外實在未完租穀七萬二千五百六十二石零查苗疆地瘠民貧在豐稔之歲除完繳額租外僅供口食一遇歉收輒形匱乏本年稻穀雖屬有收而秋後雨水稍稀未免收成歉薄各佃於完納正額外復帶徵二十四五兩年緩徵租穀實屬力有未逮仰懇

聖恩將二十四五兩年未完租穀七萬二千五百二十六石零全行豁免等語臣部查湖南苗疆均屯田畝既據該督撫查明地本瘠薄民鮮蓋藏一遇歉收佃力即形匱乏今據該督撫奏稱本年秋收雖屬豐稔而秋後雨水稍稀未免收成歉薄各佃於完納額租外復帶徵舊欠租穀實屬力有未逮奏請將嘉慶二十四五兩

年佃欠未完租穀全行豁免自係實在情形且苗民均出田畝召佃納租亦與正賦有閒所有各佃欠繳嘉慶二十四五兩年租穀七萬二千五百六十二石零應請

旨准與豁免以廣

恩施 臣等再查苗疆歲納租穀原以備屯防經費之用近復仰蒙

皇上減賦蠲逋有加無已則各佃漸臻饒裕自必踴躍輸將每歲經費斷不至再行支絀應令該督撫嚴飭辰沅道督率廳縣屯苗備弁等實力催徵年清年款毋得任意支銷動缺儲積銀穀如有侵欺虧挪情弊分別參賠以重

國帑至前因苗疆經費不敷動用儲備積貯各穀業經另案奏准借

款買補仍令該督撫卽飭乘時採買足數以實邊儲所有 臣等遵

旨核議緣由理合恭摺具 奏伏乞

皇上聖鑒謹

奏奉

旨依議欽此



湖南直隸州志 卷十三  
七萬八千四百八十餘石查自嘉慶十九年清查歸補之後節年  
又因旱歉各佃欠交租穀及外銷不敷經費墊用儲備積貯銀穀  
所存無幾復因經費不敷在於司庫通米銀內借動銀四萬八百  
三十兩以供支放歷經前督撫臣奏明俟徵收佃欠歸還原款  
並因屯防經費連年短絀前督臣慶保等籌議 奏請於湖南藩  
庫內借動地丁銀十萬兩發交漢岸鹽商生息每年應繳息銀一  
萬二千兩以五千兩歸還原本以七千兩發交辰沅道庫先儘當  
年應支正款經費不敷之用所餘銀兩盡數提補儲備積貯銀穀  
在案臣等伏查苗疆儲備積貯共應實存銀穀七萬八千四百八  
十餘石前因歷年經費不敷動存無幾本年據前護辰沅道參革

沅州府知府袁廷極卸事時交出已徵未報二十四年租穀一萬  
一千一百一十九石零及動用所剩尾穀共實存穀一萬七千五  
百六十餘石計尚有動缺銀穀六萬九百二十餘石現經飭查據  
該道趙文在會同委員永順府知府諸加杏等逐年逐款詳加核  
算實無侵欺浮冒惟是嘉慶二十四五兩年各佃未完租穀現經  
臣等另行恭摺 奏懇

聖恩 豁免所有動缺儲備積貯銀穀祇藉漢商生息銀兩支給先儘本  
年正款經費不敷之用則儲備積貯二項銀穀難以尅期補完緩  
急所需無可足恃苗疆要地深以爲慮現又無款可籌臣等再四  
思維查嘉慶四年戶部以歷次辦理軍需動缺各省藩司及屬庫

封貯銀兩請在外省收捐監生歸款奉

旨俞允湖南藩司及各府庫動缺封貯銀兩均已歸補足數苗疆屯防儲備與屬庫封貯銀兩相同且邊備尤為緊要合無仰懇

聖恩俯准在於司庫收捐監生銀兩內借動六萬九百兩發交辰沅道照依時價採買穀石先行歸貯廳縣等倉仍照原案以銀二萬兩收貯道庫所有漢商每年生息銀一萬二千兩以五千兩歸還地丁原款外其餘銀七千兩先儘本年經費不敷之用餘銀即飭儘數解交司庫陸續歸還現借捐監及前借司庫通米銀兩等現將屯防經費逐一籌議核減此後歲支出納飭令辰沅道詳慎撙節經理等嚴加查核勿任稍有虛糜尋常之年即因佃租或稍

欠缺糶價或有短絀諒亦無多所收商息除每年開銷經費不敷外盈餘儘數歸補借款司庫銀兩亦不至於久懸似此一轉移間儲積胥歸實貯邊圉益臻鞏固如蒙

俞允等即飭藩司將銀按數撥解辰沅道飭令督率各廳縣乘時買穀收貯並令藩司於每年收到撥還借動捐監等銀隨時報部查核茲據藩司錢臻轉據辰沅道議詳請 奏前來等為邊儲緊要起見謹合詞恭摺具 奏伏乞

皇上睿鑒訓示謹 奏奉

硃批另有旨欽此道光元年十一月十一日內閣奉

上諭陳若霖等奏請借款買補苗疆儲積一摺苗疆積貯緊要今歷年動缺銀穀過多不足以備緩急着照所請准其於司庫收捐監生銀兩內借動銀六萬九百餘兩發交辰沅道照時價採買穀石先行歸貯廳縣等倉仍照原案以銀二萬兩收貯道庫其漢商每年生息銀一萬二千兩以五千兩歸還地丁原款外其餘銀七千兩先儘本年不敷經費之用餘銀卽飭儘數解交司庫陸續歸還捐監及通米借款仍隨時報部知道欽此

詳請儲備穀改歸道管

道光七年

辰沅道 翟聲煥

爲苗疆儲備穀項請照舊由道經管與儲備銀兩一併隨時借墊以歸核實並資接濟詳請 核奏事竊照嘉慶十年經 前撫憲阿 會同具 奏苗疆均屯告歲會籌經久章程案內籌捐存貯銀穀以備荒歉並資接濟一條內開查各路屯丁均各分授田畝備戰練勇亦經撥田收租支給鹽菜口糧豐稔之年自己足敷食用惟年歲豐歉靡常或遇歉薄及青黃不接之時則艱食堪虞必須豫爲籌備查黔省九衛屯田案內 奏明動項採買米二萬七千餘石合穀五萬四千餘石分貯各屯堡以資糶借洵爲儲備要務萬不可少至各屯弁應得分例現議於餘田租穀項下支給其



練勇鹽菜銀兩亦議收租變價隨時散放第前項銀兩均係按月支領而佃戶交租總在每年九十月以後勢難枵腹以待且當秋成時穀價必平亦未便遞行賤糶致有支絀則此數月支款自應先爲墊發而苗疆一切緊要之用更時有必須籌款存貯以應不時之需擬展扣三成養廉二年共銀六萬兩以銀二萬兩存貯辰沅道庫遇有應行借墊之項詳明動撥隨時歸補以銀四萬兩買穀四萬石分貯鳳凰乾州永綏古丈坪保靖各廳縣倉如遇年歲歉收及青黃不接之時詳明接濟秋成後免息徵還等因具奏奉准 部議前項穀石分貯鳳凰等廳縣加謹收貯如遇丁力拮据酌量借濟其道庫存貯銀兩各廳縣分貯穀石並令年終造

冊送 部備查維時前陞道傅爾領銀分別存貯買穀並於各廳縣建置儲備倉厥將穀分貯與屯穀一並由道經管嗣因頻年動墊殆盡嘉慶十九年 前撫憲廣 於清查案內 奏准分別捐賠歸補並奉 奏明此後儲備銀穀着落辰沅道出具切結好爲收貯卽有要需並實係歉收如租穀催不足數非詳奉 批准 奏明不得再行擅動嗣緣節年又逢旱歉欠租及外銷經費不敷將儲備銀穀先後動缺於道光元年清查案內經前故道趙道會同委員承順府諸守等詳明儲備積貯原備緩急歷年以來竟視爲屯防津貼之需殊非垂久之道經此次歸補後除青黃不接之時仍遵原 奏更請定以限制分別屯苗各於所貯之穀項下酌

量情形准借十分之二三於秋間免息徵還外如有要需並實係  
歉收租穀收不足數應恪遵 前撫憲廣 原奏非詳奉 批准  
奏明不得再行擅動之案辦理當奉 前督憲陳 奏准借款  
買補穀四萬五百八十石歸貯廳縣等倉仍照原案以銀二萬兩  
收貯道庫並奉 奏明嗣後如有要需及歉年收租絀額由道詳  
奏再行借動如有虧挪霉變等弊照常平倉儲之例分別參賠  
旋經前故道趙文在將穀買足移交前道張映蛟飭令該家屬照  
案撥運並飭各廳縣具領收管去後據各廳縣以儲備穀石分貯  
各倉有距城寫遠之處經管不便且該廳縣等僅管收貯不司支  
放若經年久貯動撥無期苗疆地氣潮溼必有霉變之處請將屯

防應支經費穀石在於儲備穀內動支即將每年新收屯穀撥還  
儲備穀石庶出陳易新不致久貯霉變並請改歸道員督率屯備  
弁等一手經理支放以歸簡便等情稟經藩司移道議詳請 奏  
奉 前護撫憲誠 批所請尙屬可行惟此項穀石各廳縣自嘉  
慶二十五年以後均未出具無虧冊結報部現在奉 部行取應  
令各廳縣按年補送冊結詳咨送後再行具 奏等因行司咨  
道轉行各在案今奉 憲臺於覆 奏查辦賀御史陳 奏苗疆  
事宜九條案內 奏明飭令 職道 查明前項儲備銀穀有無虧缺  
等因 職道 遵於抵任後逐一盤查道庫應貯儲備銀二萬兩現在  
實貯銀一萬一千兩其餘銀九千兩係前道張映蛟並護道蔣紹

宗因領漢商生息銀兩北省解司遲延未能隨時請領將應發各款在於儲備銀內墊發計先後借墊未還銀九千兩作抵查苗疆經費不敷每年應領漢商生息銀七千兩截至道光六年八月底止尙有未領漢商生息銀九千兩職道現已咨司移催北省繳解到司即可領回歸款不致缺短又各廳縣倉應分貯儲備穀四萬五百八十石並苗倉積貯穀一萬七千九百六石六斗三升三合三勺均經職道逐一盤查並無短絀除於接收交代案內另文結報外惟查儲備穀石原奉 奏明分撥各廳縣收貯並令年終造冊結報自應撥歸廳縣經營今查得前項穀石自傅陞道領買以來雖俱分貯各廳縣儲備倉內第原建各儲備倉與原建各屯倉

錯雜毗連並無分別所有儲備穀石係與屯穀一律由道督率屯備弁長經營總司出納並未撥歸各廳縣分管自嘉慶十年起至二十四年止各廳縣惟於年終照案造具冊結由道加轉其二十五年年終冊結應於道光元年造賚時值清查已奉 奏明動缺迨奉文買補撥貯旋據各廳縣稟請詳 奏改歸道管是以嘉慶二十五年以後各廳縣未經造具冊結申賚現在前項儲備穀石除乾州永綏古丈坪保靖四廳縣均已照數分貯各儲備倉外其鳳凰廳應貯儲備穀前經趙故道任內買領後收貯花園浦市各屯倉經接任張道並蔣護道飭令該家屬撥運鳳凰廳倉屢催尙未撥運又原設儲備穀石係專爲借濟丁勇口食之需並奉 部

議如遇丁力拮据酌量借濟其儲備銀係因屯弁分例練勇鹽菜銀兩均須按月支領而佃戶交租總在每年九十月以後勢難枵腹以待且當收成時穀價必平亦未便遽行賤糶致有短絀此數月支款應先爲墊發而苗疆一切緊要之用更所時有是以籌款存貯以應不時之需是儲備銀穀二項遇有墊發接濟之款原准隨時動支惟原 奏均令詳明動撥又於嘉慶十九年道光元年兩次清查案內 奏明此後儲備銀穀非詳奉 批准 奏明不許再行擅動並經趙故道會同委員諸守等詳明青黃不接之時仍遵原 奏酌量准借如有要需並實係歉收租穀收不足數應格遵 前撫憲廣 原奏非詳奉 批准 奏明不得再行擅動

之案辦理 職道 細釋先後 奏詳之案儲備銀穀如遇隨時借墊可以追還歸補之項祇應詳明借動如有要需並實係歉收租穀催不足數應行動用不能歸款之項則應詳請 奏明此中雖覺有所區別總應分別詳 奏查自傅陞道經管以來遇有應行墊發之款及應行借濟之穀均係隨時動借且每年尚有借給民苗佃戶籽種穀石計每年春夏間共須借出穀一萬餘石均於秋收後追收歸款接任正護各道亦照依舊章隨時動借檢查歷年借案卷宗數十起俱未詳 奏有案均與 奏案不符訊之各屯長經書人等僉稱傅陞道設屯以來多有通融辦理之事遇有應行借墊之款均係隨時借墊未經具詳並因苗疆均田之後產少民

窮每值春耕貧佃缺乏籽種紛紛請借恐其誤耕缺租致有支絀是以借給籽種穀石接任正護各道遵守舊章未敢更改並因苗疆距省較遠具詳奉批往返需時實有緩不濟急之勢且丁佃人數眾多屯防款項煩雜一一具詳請奏亦覺有煩案牘是以歷年未具詳等語職道伏思傅陞道籌辦屯防盡心竭力已蒙前憲奏明一切聽其通融辦理並奉

諭旨勿致伊犁肘等因欽此欽遵在案以後接任正護各道亦俱欽遵前奉

諭旨以傅陞道為法一切循照辦理係屬遵守舊章現在前項銀穀均無虧短職道前經蒞任接收交代原當遵照先後奏案分別撥

貯收管此後遇有借動再行照案詳奏惟儲備穀石廳縣難於管理已據稟明且苗疆丁佃眾多其隨時借濟已行之二十餘年一旦令其聽候詳奏再行借給不特守候需時抑且准撥難定在丁勇乏食既不能不即時借給而貧佃不能及時借領籽種尤恐誤耕缺種苗疆經費悉出屯租而一切款項待支不容刻緩設有貽誤關係匪輕查苗疆事宜現經賀御史奏奉

諭旨飭將撫綏控制一切事宜務照舊定章程實力整頓並蒙憲臺遵

旨覆奏札飭實力整頓今經職道遵奉查明分撥廳縣收貯之儲備穀石歷係由道經管並未撥歸廳縣分管又借濟丁佃穀石並墊發

銀兩歷未詳 奏均與 奏案不符而舊定章程相安已久又未  
敢輕議更張不得不據實詳明合無仰懇 憲恩俯賜查照前道  
詳據各廳縣稟請將儲備穀石改歸道管之案並職道現詳情形  
將儲備穀石 奏請改歸道管隨時出陳易新與儲備銀兩並苗  
倉積貯穀一並 奏請由道隨時照依原 奏借墊仍分別追收  
歸款如有要需並實係歉收租穀催不足數應行動用不能歸款  
之項仍遵 前憲廣 原奏非詳奉 批准 奏明不得擅動倘  
有短缺惟經手之道員是問照常平倉儲之例分別參賠並請咨  
覆 大部毋庸廳縣出結則事歸覈實 奏案悉符且隨時借濟  
不致掣肘實於苗疆撫綏事宜大有裨益是否有當除將查明賀

御史陳 奏九條事宜另文詳覆外合將查明儲備銀穀緣由具  
文詳請 憲臺俯賜飭司核議詳 奏 批示遵行



道支給變糶且屯倉設有屯備弁分貯經管儲備倉廩均與屯倉毗連應請將儲備穀石歸於辰沅道督率屯備弁一手經理每年於秋收後將屯防應支各項穀石先於儲備穀內動支即將新收屯穀按數撥還儲備庶出陳易新不致久貯霉變等情稟經辰沅道詳奉 前憲批行查議去後茲准辰沅道議請歸道經管前來本司覆查苗疆一切銀穀均係辰沅道總司出納此項儲備穀石係備苗疆緩急所需從前由各廳縣造冊結報本屬兩歧且苗疆地氣潮溼久貯恐有霉變然係儲備要需自不得擅行動用查辰沅道經收屯防穀石應變價支作口糧等項以每年新收屯租易換儲備穀石變糶出陳易新既無霉變之虞且以此易彼亦非

動用可比應如所請將前項儲備穀石改歸辰沅道督率屯備弁妥爲經理於每年秋收後將儲備穀石動支應用即以新收屯穀隨時按數撥還不得稍有短少仍將動支撥還各緣由具文通報查考遇有要需及租穀歉收應行動用儲備銀穀由道詳請 奏明辦理不准擅行借動其每年年終以及交代案內統由辰沅道造冊出結移司詳咨以專責成至各廳縣自嘉慶二十五年以後應造冊結先因穀石已查明動缺 奏請歸補迨買補後即據各廳縣稟請改歸道管以至未造冊結申賚今翟道到任已查明實貯在倉並無虧短所有各廳縣未造冊結應請免其造送是否有當相應核議詳請 憲臺察閱會核具 奏除詳 督部堂外爲



湖南直隸中正考 卷十三  
此照詳奉 撫憲批 據詳各廳縣分貯儲備穀石請歸道一手經理每年秋收應支穀石先於儲備穀內動支俾得出陳易新以免久貯霉變固屬變通善政惟此項穀石所以分貯於各廳縣者原以就近動支可資緩急今據稱歸道管理是否仍係分貯各廳縣抑或係充貯該道駐札之地以便稽查出易未據該道廳縣等明晰聲叙若充貯於該道駐札之地則相距較遠之廳縣設有動支轉運維艱核與分貯之意不符若仍係分貯各廳縣地方則一切稽查盤驗本係該道專責如有久貯虞防霉變何難令該廳縣據實稟明該道隨時詳請出陳易新在各廳縣責有專司收貯不敢率忽較之屯弁屯兵自屬可靠再查此項穀石節年未據造冊

結報奉 部飭取延未申送今遽請免其造報不特率行陳 奏必干 部詰且恐所貯穀石或有虧缺霉變情事該廳縣等故爲此說以冀掩蓋前虧並爲將來挪移地步均未可定該道交代案內一切倉庫銀穀現已委岳常蔡道前往盤查有無虧短未據結報未便卽照該道所議仰卽轉行該道廳縣遵照令其將前項指駁情節逐一切實聲明另詳察奪並飭將二十五年以後各廳縣應造各冊結飭令迅卽補造詳咨並俟蔡道盤查結報至日另行核辦仍錄 批報明 督部堂查考仍候 督部堂 批示繳

督部堂 批示原詳並發仍繳又奉 督部堂 批同前由  
奉 批仰湖南布政司一併籌議詳辦仍候 撫部院 批示繳  
各等因奉此並准該道移請核議前來本司查嘉慶十年會籌屯  
防經久章程案內以丁勇雖分別授田給糧惟遇年歲歉薄及青  
黃不接必須籌款糶借議請展扣三成軍需銀六萬兩以二萬兩  
存貯道庫以四萬兩採買穀石分別收貯遇有應行借墊及年歲

詳儲備銀穀非奏明不准借用 道光七年 湖南布政使司裕泰

為遵 批核議詳覆事案奉 憲臺 撫憲康 批據辰沅道翟聲煥詳

請具 奏儲備穀石請由道管並儲備銀兩一併隨時借墊以資

接濟一案奉 批仰布政司確查原案體察情形妥議詳辦仍候

督部堂 批示原詳並發仍繳又奉 督部堂 憲臺 批同前由

奉 批仰湖南布政司一併籌議詳辦仍候 撫部院 批示繳

各等因奉此並准該道移請核議前來本司查嘉慶十年會籌屯

防經久章程案內以丁勇雖分別授田給糧惟遇年歲歉薄及青

黃不接必須籌款糶借議請展扣三成軍需銀六萬兩以二萬兩

存貯道庫以四萬兩採買穀石分別收貯遇有應行借墊及年歲

歉收並青黃不接之時詳明借濟嗣於十九年清查前項儲備銀穀內因詳借墊辦官房等項及二十六兩年大歉經費不敷借動未還銀穀五萬二千六百餘兩 奏請分別捐賠歸補聲明此後儲備銀穀着落該道出具切結好爲收貯卽有要需並實係歉收如租穀收不足數非詳奉 批准 奏明不得再行擅動又於道光元年清查儲備銀穀自歸補後又因旱歉欠租經費不敷墊用連動用苗倉積貯穀石一並籌議 奏請歸補並聲明嗣後如有要需及歉年收租絀額由道詳經 奏明再行借動如有虧挪霉變等弊應照常平倉儲之例分別參賠各等因在案查儲備銀穀原案雖准隨時借用而嘉慶十九年道光元年兩次清查歸補

均經具 奏如有要需非詳奉 奏明不准擅動是原定隨時借用章程已經更改未便又請改復舊章且從前准其隨時借用以致借墊無着若仍照舊借墊勢必又歸烏有殊非慎重儲備之道應請飭令該道遵照後次 奏案辦理以免再有虧缺所有該道請將儲備銀穀隨時詳明借用之處應毋庸議以後如屯租不能應時出糶所需經費應由道自行措項支放俟穀價糶獲卽時歸還不准擅動儲備銀穀以昭慎重至儲備穀石改歸道中經管事歸劃一可以照辦現在另詳 奏明辦理緣奉 批議相應查議詳覆 憲臺查閱 批示移遵奉 撫憲 批所詳慎儲備而杜挪移甚屬允當卽轉移遵照辦理此繳

稟苗倉積貯穀石移貯近城添建倉廩

道光九年

辰沅 翟聲煥

敬稟者竊照苗疆均屯案內原存盈餘積貯穀一萬七千九百六十石六斗三升三合七勺分貯鳳乾永古保五廳縣苗倉以備緩急不時之需去冬恭逢節鉞按臨面奉鈞諭前項苗倉積貯穀石必須移貯近城處所方足昭慎重而歸妥善等因敬聆之下仰見 廛念邊防顧慮深遠無任欽感旋於叩送旋筭後通盤籌算現在附近各廳縣屯倉僅敷存貯儲備經費等穀實無多餘廩口可以移存積貯而原建積貯各倉俱係深在苗巢山路崎嶇撥運維艱且歷年已久料木亦多朽蠹未便拆卸移置他處必得新建

倉廩五六十間方足以資移貯查永綏額存積貯穀七千石計需倉廩二十間推該廳原設儲備倉亦屬不敷存貯因於廳城添設一十六間茶洞添建十間共添建倉廩二十六間以二十間移存積貯以六間添貯儲備古丈坪廳額存積貯穀三百石於廳城添建倉廩一間均自上年十一月內購料興工現已起造完竣鳳凰廳額存積貯穀七千三百六十石有零亦須添建倉廩二十間該廳城額設積貯儲備經費等穀倉廩較多且近城居民稠密實無隙地可以起建因於距廳城二十里之石羊哨屯倉左側添建二十間業已飭匠興工乾州廳額存積貯穀二千四百石於該廳常平倉後修建倉廩九間保靖縣額存積貯穀九百石計須倉廩三間

現在委勘約計八九月內均可一律完竣再查此項積貯穀石除本年稟蒙 奏准動支穀一萬五千五百石借給屯苗丁佃口糧籽種外現在尚存穀二千四百有零如由苗倉挑赴新建倉所不惟道路寫遠運費繁多且時屆農忙亦未便多役人夫擬俟八月內新租完納時就近按數撥貯新倉以抵積貯即將原存積貯之穀撥充經費並令屯丁苗佃等將完借口糧籽種等穀亦各就近完上新倉如此一轉移間即可免撥運費亦得藉以全數易新至此項新建倉廩係經辦分委各員勘估督修籌節辦理統計添建鳳乾永古保五廳縣倉廩五十九間共用工料等銀一千九百餘兩每年屯防經費覈實支銷並無多餘此後又別無閒款可爲

籌墊職道仰沐 憲恩至優極渥夙夜思維愧無報稱惟有益自  
儉約節省養廉捐貲修建無庸另請籌款並不敢詳請流攤稍以  
仰副栽培委任之至意耳惟是此項積貯倉廩現經移貯自與原  
案不符應否咨 部立案伏乞 示遵以便於秋後收回丁佃借  
穀之後將移貯倉所如數開造清冊另文詳請咨達以免轉轄而  
垂久遠尤為 德便肅此具稟伏乞 批示

會奏苗疆租穀禁止外運屯防經費不敷請動撥司庫銀兩

接濟摺 道光十三年

湖廣總督訥爾經額  
湖南巡撫吳榮光

奏為苗疆租穀禁止運出外境售賣屯防經費不敷支發恭懇動撥  
司庫銀兩以資接濟仰祈

聖鑒事竊臣等前此會同確查苗疆屯防事宜酌擬變通章程八條  
奏奉

敕部分別准駁核議覆 奏奉

旨依議欽此當即欽遵轉行遵辦去後茲據湖南布政使惠豐辰沅永  
靖道翟聲煥會詳據稱苗疆屯田自道光元年減定租額每年共  
徵穀七萬九千二百餘石除例支本色穀五萬三千三百餘石外

其餘剩穀二萬五千八百餘石應載運出境售變湊支經費惟民苗生齒日繁所產米穀僅敷本地口食議令將支剩租穀就近於倉所零星發賣並留備次年青黃不接之時減價平糶酌量出借係為體恤民苗起見均經戶部議准至撥發司庫銀一萬兩接濟經費一節戶部以未將如何支銷歸款之處詳晰聲叙不准輕議動撥茲復通盤籌計所有苗疆經費銀兩均係取給於租穀變價如不准運出境外糶賣則當年勢難全售而各項經費均應隨時支領若待糶穀給發實屬緩不濟急仍請於司庫通米經費項下動支銀一萬兩發交道庫存貯如遇經費不敷即以此項湊支仍將應變租穀陸續糶銀歸還原款統於次年報銷時歸足一萬兩

之數造冊咨送戶部查核不准稍有短絀等情詳請具 奏前來  
臣等伏查苗疆支剩租穀應全數變價以供銀款支銷歷係年清年款向無盈餘茲既禁其運穀出境則急切未能全售該司道所詳應支經費緩不濟急委係實在情形其議請撥動銀兩應如何支銷歸款之處已據詳晰議明相應 奏懇

天恩俯准動撥司庫通米經費銀一萬兩發交辰沅道庫收貯為湊支經費之用實於苗疆屯務有裨仍請

敕部核覆如蒙

俞允 臣等謹飭該管道員督率廳縣屯官認真經理務使徵收租穀新

陳相接必有一年之蓄庶早潦有備民苗得資接濟以仰副

聖主又安邊陲至意奉

硃批該部議奏欽此旋經戶部核議 奏請准行奉

旨依議欽此

--	--	--	--	--	--	--	--	--	--

會奏請免苗疆佃欠動用儲備銀穀墊支經費摺 咸豐元年

湖廣總督程裔采  
湖南巡撫駱秉章

奏為苗疆屯佃積欠租穀力難完納援案籲懇

天恩俯准豁免以廣

皇仁而紓佃力事竊照咸豐元年恭奉

恩旨飭查各省民欠錢糧等項 奏請豁免業經 臣 飭據藩司查明各

州縣衛積欠銀穀具 奏請豁免在案茲據護辰沅永靖道翟誥詳

稱苗疆鳳凰乾州永綏保靖古丈坪瀘溪麻陽七廳縣屯田有道

光二十七年被旱被蟲緩徵未完穀一萬三百八十三石三斗零

又鳳凰乾州永綏保靖瀘溪麻陽六廳縣二十八年佃欠未完穀

湖南苗方屯改考

卷十三

儲備

三



一萬九百九十二石八斗零又鳳凰乾州永綏古丈坪保靖瀘溪  
麻陽七廳縣二十九年佃欠未完穀一萬二千九百八十三石五  
斗零以上共未完穀三萬四千三百五十九石零當經該護道確  
查委係實欠在佃並無以完作欠情弊請援案豁免等情經臣批  
據藩司恆福核明詳請具 奏前來臣查湖南鳳凰等廳縣均係  
苗疆地方田土本屬瘠瘠而屯田歲納租籽又較民賦爲重是以  
歷年以來每有帶欠自道光二十七年起至二十九年止共未完  
租穀三萬四千三百五十九石零各屯佃類皆貧乏每年收穫穀  
石均有應完當年租籽若再將各年積欠租穀全數催追佃力實  
有未逮溯查嘉慶二十四年道光十五二十五等年恭逢

恩旨豁免民欠錢糧均經前督撫臣以佃欠與民欠無異將該廳縣佃

欠屯田租穀 奏准豁免在案此次恭逢

恩旨豁免民欠錢糧薄海烝黎莫不同霑闡澤所有鳳凰乾州永綏古  
丈坪保靖瀘溪麻陽七廳縣前項佃欠未完道光二十七二十八  
二十九等年租穀可否援照成案籲懇

天恩俯准照民欠錢糧一律豁免以廣

皇仁而紓佃力出自

鴻慈惟此項穀石應充苗疆經費前因催徵未完業經辰沅道在於儲  
備穀內動撥並墊款支用一經豁免所有動缺儲備穀石及墊用  
之款無項歸補請按照屯防章程每穀一石價銀一兩在於司庫

留備銀兩項下分作五年動支發給歸款以實儲備理合會同湖廣總督臣程裔采恭摺具一奏伏乞

皇上聖鑒訓示謹

奏咸豐元年十二月初十日內閣奉

上諭駱秉章奏苗疆屯佃積欠租穀懇請豁免一摺湖南苗疆地方各屯佃積欠租穀自應與民欠一律辦理據該撫查明歷屆成案均係加恩豁免著照所請所有鳳凰乾州永綏古丈坪保靖瀘溪麻陽七廳縣佃欠未完道光二十七二十八二十九等年租穀共三萬四千三百五十九石零准其一體豁免以紓佃力該撫卽刊刷謄黃徧行曉諭務使實惠均霑毋任吏胥舞弊以副朕軫念民依至意餘著照

所議辦理該部知道欽此

詳議核減苗疆經費並漢岸鹽商生息無着請撥糧庫銀款

接濟 咸豐四年

湖南布政使司 徐有壬

為核議會詳請 奏事案准護理辰沅永靖道翟誥咨覆准司詳

議苗疆經費應再行酌量裁減卑護道查屯防田土布散七廳縣地方周圍一千數百餘里當日思欲便佃分設倉廩就地收納俾佃戶輸租可以朝發夕至用意良善原建倉一百二十八處每倉各設屯長斗級車夫所收之穀除本倉坐支及轉運總倉外餘俱就地變糶照現在市價每石僅值錢八九百及千文不等從無以銀市穀者糶得之錢運城易銀供支官勇俸餉每錢千文除押運飯食挑夫腳力外僅易得市平銀四錢五六分不等若將租轉運

總倉供支一切本色經費在在皆崇山峻嶺則又腳費較重每石錢自四五十文至二三百文銀自三四釐至一錢五六分不等其押運飯食等項一應雜費尙不在內苗疆地方褊小有穀不能易銀有銀又難於得穀是以屯防穀石出倉變糶每石不能值銀五錢而轉解供支買運入倉每石又必須合銀七八錢方能濟用事棘手種種賠累此屯務之難辦一也年來穀賤銀貴支發竭蹶加以征調不輟墊借官兵行裝墊辦苗兵器械意外之用紛至沓來一經墊用領獲無期由是愈行掣肘呼籲頻聞旁觀者或疑味可回甘當局者實已苦同茹檠每月餉期驚心動魄及身可慮冒瀆自嫌此屯務之難辦二也屯防田土取自民間招佃收租輒爲

官有原設 奏詳籌三案經費承領者莫非原業戶子孫取之卽以予之所以五十年來相安無事苗疆人情獷悍道標練勇苗兵疊次奉調出師戰功卓著應支 奏案鉅款給領不可逾期其餘支發各款自紳士以及孤貧品類不一無項蔑有屯防粒粟稊米萬家攸賴一言失當眾心交怨此屯務之難辦三也卑護道才疏識淺值此三難夙夜思維焦勞成疾業將恐致貽誤緣由據實通稟在案今奉 撫憲批行飭令裁汰經費是議興一利可除三難卑護道具有天良遭茲艱步何忍不肖存心罔知仰體辜負

皇恩憲德罪無可逭隨卽剴切詳明諳諳曉諭將冬季應發各丁勇惠賞及各倉坐支屯長斗級車夫口糧並老幼殘廢丁口糧等款暫

清江府志卷十三  
行試辦停支乃時未匝月斗級車夫俱紛紛求退承役無人其餘  
各色人等不遠百里而來非環庭跪泣卽具稟哀籲僉稱伊等祖  
父有業歸公或且平苗戰死蒙前傅升道溫諭再三申以盟誓不  
令我子孫失所現在應得領項乃久奉 奏定章程出自伊等祖  
父原業地利不過十之一二今遽停支伊等謀生無術立見轉於  
溝壑似與立法原 奏之意不符立詞忿激耳不忍聞更有無知  
婦女攔途擾瀆之事揆厥情形裁汰經費雖卑護道固顯然有時  
理屈詞窮威難克愛自揣才不勝任與其勉強而行有乖政體曷  
若安心藏拙賠墊自甘反復深思計無所出除夏秋二季經費於  
未奉 批飭裁汰之先早經如數支發外所有冬季銀穀各款其

勢不補不一律照舊開支至來歲咸豐四年春季以後支發如何  
更張自應聽候議詳行奉 批示遵辦與受從違非卑護道所能  
豫料理合具文詳請 兩院憲察閱 批司飭查卑護道前次原  
文及抄送屯防年例實發款目清摺逐款確核分別裁畱停減或  
仍籌款貼補作速妥議詳辦 批飭遵行俾免債事滋虞實爲公  
便再咸豐二年十月至三年九月底止一屆內屯防項下尙存未  
領生息籌補共銀七千八百九十九兩零所有本屆經費業經卑  
護道悉照舊章支發完竣並無貽誤合併聲明除備文詳請 兩  
院憲外理合具文申請 憲台俯賜查照卑護道前次原文及抄  
送屯防年例實發款目清冊逐款確核分別裁畱停減抑仍籌款

湖南直隸中書 卷十三  
貼補作速妥議詳辦行道遵照等因並准該道詳稟 督撫憲  
批司核議詳辦等因奉此本司遵查苗疆經費每年應發籌補兩  
淮鹽商生息銀一萬二千兩遇閏一萬三千兩前因鹽務改章繼  
因賊擾金陵淮商眾潰節年未經繳解到楚又漢商每年捐幫銀  
一千五百兩亦因漢口疊遭兵燹岸商星散無憑飭繳又撫司道  
公捐鎮算經費一千兩現因養廉減成尚未捐齊以致經費支絀  
每年短絀銀一萬四千三百一十六兩零屢經該道移司請領無  
款籌發移覆節省支用或於用項酌量裁汰庶資彌補除酌定暫  
停歲修礮卡工料賞賚催征出力屯長花紅屯義學三款共節省  
銀三千四百二十兩茲又准該護道開送屯防支用各款清冊核

辦前來本司查苗疆節次清查以後所有用項概係事歸實用款  
無虛糜已屬裁無可裁減無可減茲當制用孔亟之時不得不於  
無可裁減之中仍須酌其緩急輕重量為撙節以期挹彼注茲查  
冊造修理水衝沙壓田土工本及賠補屯佃租穀三千零二十九  
石內議請減穀一千石實支穀二千零三十九石屯苗義學二十  
館並加增館穀除前節省尚應支銷穀三百四十四石內擬請減  
穀一百四十四石實支穀二百石鳳乾永保廳縣儒學薪水穀四  
百石擬減四成穀一百六十石實支穀二百四十石七廳縣民苗  
生童試資穀一千石內擬請減穀四百石實支穀六百石五廳縣  
並佐雜辦公穀二千二百四十四石擬請減四成穀八百九十七

石六斗實支穀一千三百四十六石四斗各倉風暵鼠耗應支穀八百五十石擬請減穀二百石實支穀六百五十石該道巡歷五廳縣夫馬賞號穀一千石擬請減穀二百石實支穀八百石以上共擬請裁減穀三千零一石六斗照依苗疆章程每穀一石作銀一兩計減穀折銀三千零一兩六錢核計連節省三款每年總共減去銀六千四百二十一兩六錢計實短絀屯防備弁練勇俸餉等銀七千八百九十四兩四錢除公捐鎮算經費銀一千兩有款不計外按年實屬不敷支發銀六千八百九十四兩四錢閏年加增銀一千兩伏查苗疆額設練勇實爲精銳居則捍衛邊陲足固吾圉出則迭從征戰所向有功洵屬

國家勁旅尤爲出力可靠之人倘用其力而不恤其勞責其效而不籌其餉似不足鼓舞戎行勵其敵愾且查屯防備弁練勇俸餉似與綠營兵餉無異現因賊踞金陵生息一時無著俸餉未便議減而經費有常又未便率請動款本司道等再三籌計惟查運道梗阻漕糧停運每年計可節省運費里納米等銀兩原係發給軍船濟運非關報撥之款似應籲請

皇上

天恩按數撥作苗疆經費以資飽騰所有每年苗疆俸餉不敷銀六千八百九十四兩四錢遇閏加增銀一千兩應請 奏明在於糧道咸豐三年節省運費項下動支其咸豐三年九月以前尙未找發苗疆經費銀一萬一千餘兩並請動支咸豐二年節省運費

銀八千兩發給不敷之數由司另行籌給指日逆匪蕩平淮南收復運道肅清漕糧照常起運鹽務自復舊章苗疆生息仍可照案解繳供支節省運費亦可照舊歸於漕糧濟用此係一時變通辦理挹注制宜於苗疆較有裨益相應詳請 憲臺察核會 奏又道光元年清查案內有書院束修等銀一千一百二十兩並請照數改發穀一千一百二十石此案應請 撫憲主政合併聲明

奏漢岸鹽商生息無着請撥糧庫節省銀款接濟苗疆經費

摺 咸豐四年

湖南 巡撫 駱秉章

奏為苗疆屯防經費不敷現擬在於漕糧節省項下籌款發給恭摺具 奏仰祈

聖鑒事竊查湖南苗疆地方自嘉慶初年戡定後勸諭紳民均捐屯田歸公招佃耕種納租解交辰沅道以供官勇俸餉及一切經費歷係銀穀兼支每穀一石定價銀一兩乘時變糶支用嗣因清查減租不敷支放經前督撫臣設法籌補 奏准將司庫銀十萬兩發交鹽商生息每年由兩淮鹽商解交生息銀一萬二千兩遇閏加銀一千兩又漢商每年捐銀一千五百兩巡撫司道每年公捐銀



湖南直隸州志卷十三  
一千兩以資貼補茲金陵漢口均爲賊踞淮岸商人星散無憑飭  
繳巡撫司道公捐之項亦因養廉減成尙未捐齊以致經費缺乏  
每年短絀銀一萬四千三百一十六兩零前據護辰沅道翟誥稟  
請由司籌給臣因時局艱難制用孔亟自須力求樽節俾免虛糜  
當飭將苗疆應發各款酌量裁減去後旋據議將歲修礮卡工料  
賞資催徵出力屯長花紅屯苗義學三款銀三千四百二十兩暫  
行停發其餘各款難以概行停止據該護道咨據藩司徐有壬糧  
道謝煌於無可裁減之中權其輕重緩急量爲核減又據將修理  
水衝沙壓田土工本及貼補屯佃租穀三千三十九石內擬請減  
穀一千石實支穀二千三十九石屯苗義學二十館並加增館穀

除已節省外尙應支銷三百四十四石內擬減穀一百四十四石  
實支穀二百石乾鳳永保四廳縣儒學薪水穀四百石擬減四成  
穀一百六十石實支穀二百四十石七廳縣民苗生童試資穀一  
千石內擬減穀四百石實支穀六百石五廳縣佐雜辦公穀二千  
二百四十四石內擬減四成穀八百九十七石六斗實支穀一千  
三百四十六石四斗各倉風晾鼠耗應支穀八百五十石擬減穀  
二百石實支穀六百五十石該道巡歷五廳縣夫馬賞號穀一千  
石擬減穀二百石實支穀八百石以上共減穀三千一石六斗照  
依苗疆章程每穀一石作銀一兩計減穀折銀三千一兩六錢合  
計停發三款每年總共減銀六千四百二十一兩六錢計實短絀

屯防備弁練勇俸餉等銀七千八百九十四兩四錢除公捐鎮守經費銀一千兩有款不計外每年實不敷支發銀六千八百九十四兩四錢閏年加增銀一千兩惟咸豐三年九月以前經費在未經裁減之先仍照舊支發其應由司發銀一萬一千餘兩爲期已逾得難刻緩查苗疆練勇素稱精銳居則捍衛邊陲足固吾圉出則迭從征戰所向有功洵屬

**國家**勁旅倘用其力而不恤其勞責其效而不籌其餉似不足鼓舞戎行勵其敵愾且查屯防備弁練勇俸餉卽與綠營兵餉無異未便擬裁而司庫正雜各款因值辦理軍需久已挪掇一空實無別款可撥惟查湖南漕糧現已停運折價該糧道庫內每年計可節

省行月修艫毛竹及收買晒颺米價等銀係在漕米折價之外似可通融酌撥所有三年九月以前應發苗疆經費銀一萬一千餘兩卽在節省行月等銀項下提撥銀八千兩並於司庫防堵經費款內動支銀三千五百兩發給該護道收領濟用至咸豐三年九月以後起每年苗疆俸餉不敷銀六千八百九十四兩四錢遇閏加增銀一千兩應請在於司庫及糧道庫節省等款內通盤籌撥藉資接濟一俟逆匪蕩平運道肅清漕糧照舊起運鹽務仍復舊章則苗疆生息等銀自可照案解繳供支而節省之運費亦可照案歸於漕糧濟用兩無所損而於目前苗疆經費似覺大有裨益再道光元年苗疆清查案內有書院束修等銀一千一百廿四兩

已飭照數改發穀一千一百二十石合併陳明臣為苗疆經費缺乏起見理合恭摺具 奏伏乞

皇上聖鑒

敕部核覆施行謹 奏奉

硃批該部議奏欽此旋據戶部 奏稱臣等伏查湖南鳳凰等廳縣苗疆屯防經費先於嘉慶二十五年因均屯田地歲徵租穀雜糧收不敷支經該督撫 奏准動支司庫銀一十萬兩發交兩淮鹽商按月一分生息每年生息銀一萬二千兩內除歸原本銀五千兩餘銀七千兩遇閏加增銀一千兩作為撥補屯防經費之用自道光元年起至道光二十年止每年歸本銀五千兩此二十年內已

將原本銀一十萬兩全還報撥又自道光二十一年起至道光二十五年止所餘息銀二萬五千兩除歸還通米經費銀一萬七千一百四十三兩四錢一分一釐外尚存銀七千八百五十六兩五錢八分九釐作為儲備專款以濟要需隨撥造報在案今據 奏稱兩淮鹽商每年應交生息銀兩因金陵漢口均為賊踞淮岸商人星散無憑飭繳巡撫司道公捐之項因養廉減成尚未捐齊以致經費缺乏係屬實在情形所有每年經費短絀銀一萬四千三百餘兩 奏請議減停發共銀六千四百二十一兩零臣等按款詳查均係力求樽節為慎重經費起見應如所 奏辦理惟咸豐三年九月以前應發經費銀一萬一千餘兩係在未經裁減之先

湖南財政正考 卷十三 三  
仍應照舊支發現值辦理軍需司庫無款可籌請卽在於糧道庫  
存節省行月等銀項下提撥銀八千兩防堵經費款內動支銀三  
千五百兩發給濟用自應准其暫爲通融至咸豐三年九月以後  
每年苗疆俸餉不敷銀六千八百九十四兩四錢遇閏加增銀一  
千兩應由該撫屆期查核在於司道各庫節省款內 奏請提撥  
隨時報部再查每年所解息銀一萬二千兩除餘息銀五千兩業  
經 奏准作爲儲備專款外其應撥爲屯防經費者無閏則止需  
銀七千兩遇閏亦不過八千兩現據 奏稱未經裁減之先不敷  
銀一萬一千餘兩顯係較前多增銀三四千兩何以前後如此歧  
異多寡懸殊且每年餘息銀五千兩自道光二十五年八月以後

既未收入儲備專款亦未聲明提歸何項該商等所繳息銀係由  
何年何月停止並未明晰聲敘 臣部無憑稽核應令湖南巡撫遵  
照所指情節逐一確查聲覆報部以憑辦理又查湖南屯防經費  
歷係按年將收支銀數數目造冊報銷乃自道光二十七年九月  
以後已積至六七年之久均未造報所餘銀兩延不報撥殊屬含  
混並令該撫轉飭按年取造冊結送部核銷並將造報遲延職名  
隨案送部以憑核議所有 臣等遵

旨議 奏緣由理合恭摺具

奏伏乞

皇上聖鑒訓示謹

奏八月十四日具 奏本日奉

旨依議欽此

奏請苗疆佃欠租穀援案豁免摺  
同治十三年  
湖南王文韶

奏請苗疆佃欠租穀援案豁免摺

同治十三年

湖南王文韶

奏為苗疆佃欠租穀援案請豁以紓丁力恭摺具 奏仰祈

聖鑒事竊照湖南鳳凰乾州永綏保靖瀘溪麻陽古丈坪七廳縣額設

屯田應完租穀歷年不無蒂欠恭逢同治十一年

恩詔蠲免同治六年以前民欠錢糧屯租事同一律自應一併查辦查

咸豐十年分未完租穀一千四百六十五石一斗一升十一年分

未完租穀一千五百二十二石二斗六升同治元年分未完租穀

一千四百六十八石四斗一升二年分未完租穀三千五十七石

五斗一升三年分未完租穀一千七百二十四石六升四年分未

完租穀一千六百二十九石二斗九升五年分未完租穀一千六百零七石七斗六升六年分未完租穀一千七百八十石二斗二升總共未完穀一萬四千二百五十四石六斗二升均係實欠在佃並無以完捏欠情弊臣等溯查節次恭逢

恩旨均將歷年佃欠租穀 奏准豁免在案今奉同治十一年

恩詔查辦蠲免應照歷屆成案懇

恩將鳳凰等廳縣自咸豐十年起至同治六年止佃欠租穀一萬四千二百五十四石六斗二升一律豁免至此項穀石應充苗疆經費前因催徵未完係由辰沅道在於儲備通米經費及積儲穀石並道庫存款項下動撥供支一經豁免所有動缺通米經費及積儲

穀石並道庫存款無項歸還應請俟庫款稍裕另行籌補所有苗疆佃欠援案請豁緣由謹會同湖廣總督臣李瀚章恭摺具 奏伏乞

皇上聖鑒謹

奏本月二十四日奉

硃批戶部議奏欽此旋據戶部奏稱臣等查同治十一年恭逢

恩詔條款內開蠲免民欠錢糧經臣部核覆扣蠲截數以已入奏銷之數為準請將同治六年以前錢糧實欠在民者准予蠲免等因於同治十一年十一月十九日具 奏奉

旨依議欽此行文各直省督撫府尹等遵照在案今據湖南巡撫 奏

湖南鳳凰等廳縣自咸豐十年起至同治六年止佃欠租穀一萬四千二百五十四石六斗二升委係實欠在佃並無以完捏欠情弊援案請豁<sub>臣</sub>部查與歷屆准豁成案相符應請准予豁免以廣

皇仁惟查此項租穀變價及漢商生息銀兩作為該處屯防經費例得將已未完及收支細數按年造冊送部核銷檢查該省自咸豐七年以後均未報部核銷殊非慎重公事之道應請

飭下湖南巡撫速將前項報部核銷並將歷年造報遲延各職名據實查參毋稍瞻徇其前項豁免佃欠未完穀石數目是否相符仍俟該省冊報到日再由<sub>臣</sub>部查核以重款項其動缺通米經費及積

儲穀石等款並令該督撫轉飭俟庫款稍裕即行籌補還款隨時報部備查所有<sub>臣</sub>等議 奏緣由理合恭摺具

奏伏乞

皇上聖鑒訓示謹

奏四月初六日具 奏本日奉

旨依議欽此

奏苗疆儲備銀穀動用無存俟款項稍可騰挪設法籌補摺

同治九年

湖南巡撫王文韶

再湖南西路苗疆處處與貴州接壤此次黔苗搆亂十有八年楚省苗民地近情親絕無一人一戶被其勾煽固由嘉慶初年平苗後立法之善亦具見該苗民嚮化之誠<sub>臣</sub>巡閱至鎮筵畱心體察各廳縣所屬苗民均甚相安惟邊地山多田少且民田大半歸公生計艱難別無恆產從前辰沅道及鳳凰乾州永綏等廳均有積儲銀兩穀石以備歲歉及不時之需嗣因咸豐年間歷次辦理軍務動用無存儲備空虛殊非綏邊久計<sub>臣</sub>親歷其境問俗采風見聞較切擬俟援防軍需清理就緒款項稍可騰挪即當設法籌補



將銀穀兩項各還其舊以實邊儲至沅州為由楚入黔門戶該處營伍歷屆均係調赴鎮筵校閱臣因黔疆初定楚邊防務尚需就近布置即留防黔境各統將大半未經謀面亦須酌調察看以定將來撤留先後是以此次接臨該郡小駐三日逐一料理并查知貴州鎮遠各屬居民流亡漸復而春耕已屆籽種無資當即分別酌籌銀八千兩交統帶楚軍誠字營現署鎮遠府道員吳自發核實借給俾兵燹遺黎藉謀生聚有分土無分民但使力所能及不敢意存畛域也所有微臣出省查閱就便察看苗疆及籌布邊防各情形理合附片具陳是否有當伏乞

聖鑒訓示謹

奏五月初九奉

硃批知道了欽此



一除屯長分授一千八百十九畝

共除田土五萬零四百五十五畝八分九釐零三絲三忽實

存佃種鹽糧經費田六萬七千一百六十三畝五分二釐

七毫七絲二忽土三萬四千五百三十七畝六分八釐一

毫九絲五忽二共實存田土十萬零一千七百畝零二分

零九毫三絲七忽

鳳凰廳佃種鹽糧經費田二萬二千零七十八畝四分六釐五毫

三絲五忽土八千四百六十九畝八分六釐零二絲六忽共田

土三萬零五百四十八畝三分二釐五毫六絲一忽

道光元年減定額租二萬五千四百五十一石三斗九升六

合八勺

乾州廳佃種鹽糧經費田六千四百五十五畝二分九釐七毫五

絲二忽土二百二十六畝零八釐六毫九絲七忽共田土六千

七百二十一畝三分八釐四絲九忽

道光元年減定額租七千七百二十五石一斗三升二合九

勺

永綏廳佃種鹽糧經費田二萬二千九百二十畝零一分六釐八

毫四絲四忽土二萬五千四百五十六畝一分三釐四毫七絲

二忽共田土四萬八千三百七十六畝三分零三毫一絲六忽

道光元年減定額租二萬九千七百五十六石六斗四升八

合六勺三抄

古丈坪廳佃種鹽糧經費田三百六十三畝三分土三十四畝共

田土三百九十七畝三分

道光元年減定額租五百二十三石七斗一升三合五勺三

抄

保靖縣佃種鹽糧經費田三千二百五十八畝八分四釐六毫一

絲六忽土三百一十一畝六分共田土三千五百七十畝零四

分四釐六毫一絲六忽

道光元年減定額租四千零二十三石一斗一升四合一勺

三抄

瀘溪縣佃種鹽糧經費田五千二百二十八畝三分五釐九毫九

絲四忽

道光元年減定額租四千四百一十四石六斗二升八合零

九抄

麻陽縣佃種鹽糧經費田六千八百五十九畝零九釐零三絲一

忽

道光元年減定額租七千三百二十三石七斗五升五合八

勺五抄

以上七廳縣共佃種鹽糧經費田土十萬一千七百零

一畝二分零九毫六絲七忽

原額收租籽十萬五千四百八十八石三斗九升零 除嘉  
 慶十九年清查減租五千五百石道光元年減租二萬零  
 七百七十石 實收租籽七萬九千二百一十八石三斗  
 九升

屯防儲備銀穀

原額存貯道庫儲備銀二萬兩

原額分貯各廳縣穀四萬石

嘉慶十三年買穀餘剩銀五百八十兩買穀五百八十石

苗倉盈餘積貯穀一萬七千九百零六石六斗三升三合七勺

鳳凰廳存穀七千三百零六石六斗三升三合七勺

乾州廳存穀二千四百石

永綏廳存穀七千石

古丈坪廳存穀三百石

保靖縣存穀九百石





堡皆係苗寨以上鳳乾永古保五廳縣邊界接連在東南北三面均爲扼要其迤西一面長二百餘里係貴州銅仁府松桃廳管轄統計周圍一千里內環苗地二千餘寨有百餘戶爲一所者有十數戶及數戶爲一所者多係依山傍崖居住鮮有平坦之地其俗耕田種山並無營貿生理歲豐則各安耕鑿歲歉則難免劫奪防範不周卽闖入內地滋事自乾隆六十年大兵懲創以後各 大憲先後 奏明苗地歸苗劃清民苗界趾撤出營汛改設沿邊並分設苗備弁資其管束安置土塘苗兵藉以羈縻將鳳乾永三廳改爲直隸同知其永綏同知移駐花園副將移駐茶崗又於乾州改設副將添設河溪營都司永綏添設綏靖鎮駐劄花園保靖改

設參將與永綏協副將同歸綏靖鎮統轄又於黔邊螺螄壩地方安設備弁兵丁並於鎮筵鎮所轄麻陽縣後路岩門地方安設備軍守備現在鳳凰廳與鎮道同城乾州廳與副將同城永綏廳與綏靖鎮同城古丈坪廳與都司同城保靖縣與參將同城分資控制此協鎮廳營先後增設移駐之情形也溯當苗疆戡定之初餘氛未靖匪苗猶肆出焚掠原駐畱防兵勇防禦難周自嘉慶二三四五等年前任傅升道在鳳凰廳任內募練鄉勇數千人往來打仗勦撫兼施追繳器械安設礮卡各苗始覺安帖因而重修邊備裁撤畱防一律籌修礮卡舉辦均田每一山巔或設一營汛或設一堡卡其傍均有礮卡哨樓或數座或數十座或離數百步或離



百餘步環列接應圍以邊牆各礮設立屯丁七千名分授田畝以資耕守挑畱備戰練勇一千名並裁畱苗兵五千名酌撥鹽糧田畝以收實用存剩餘田召佃收租以充經費專設屯備弁以資約束籌捐存貯銀穀以備荒歉清查叛產佔田分佃承種以安良苗又分設各廳縣總屯長四十名散屯長一百六十名以資經理又設老幼丁二千名撥給口糧田畝以示體恤又分設書院六處屯苗義學一百二十館以廣化導此外如修建屯苗倉廩屯弁官房籌備生童試資養濟院育嬰堂各項定以正詳外銷籌款次第完備並申明舊例禁止民人擅入苗寨以杜欺凌盤剝嚴禁苗俗椎牛祭鬼恣行宰殺以免惑眾妨農由是苗人畏威懷惠真心向化

此歷年籌備邊務屯防之源委也至於均屯案內鳳凰乾州永綏古丈坪保靖瀘溪麻陽七廳縣統計丈收田土十五萬二千一百五十七畝一分內除重丈退還撥給營兵馬廩並水冲沙壓及分授屯丁屯長老幼丁等項田土共五萬零四百五十五畝零八分九釐零三絲三忽外實存鹽糧經費並外銷籌款佃種田土十萬一千七百零一畝二分零九毫六絲六忽原額征收租籽十萬五千四百八十八石三斗三升零十九年清查奉減五千五百石又道光元年清查奉減二萬零七百七十石自二年秋收起實征佃租七萬九千二百一十八石三斗九升以充經費鹽糧之用永爲定額每年自十月初一日起至次年九月底止爲一屆將支發細

數分別正詳籌款造冊報銷又苗疆原額設儲備銀二萬兩儲備穀四萬石並原存苗倉積貯穀石從前因公動缺於嘉慶十九年清查捐賠歸補之後又因歲收歉薄歷年經費不敷節次動墊無歸先於二十五年二奏准借撥司庫征存地丁銀十萬兩發交漢岸殷實商人分領營運按月一分行息每年應繳息銀一萬二千兩以五千兩陸續歸補十萬兩本款其餘七千兩全發道庫先儘當年應支不敷經費再將所餘銀兩儘數歸補儲備又因是年旱歉屯田租穀歉收借動司庫通米經費銀四萬八百三十兩先行支發帶征佃欠歸還在案嗣於道光元年清查案內查明歷年佃欠穀石實難帶征奏奉

**恩旨全予豁免所有外銷不敷動缺銀穀共計六萬零九百二十餘石**

並蒙 奏准借撥捐監銀六萬零九百兩發交道庫先行歸補原額儲備銀二萬兩買備儲備積穀四萬九百餘石與原存苗倉積貯穀一萬七千五百餘石分飭各廳縣存貯以備緩急俟每年領回漢商息銀撥節動支將用餘銀兩陸續歸還司庫借款各在案刻下屯苗各佃既獲豁免積欠又得邀減租糧佃力咸紓輿情歡感邊境極爲安謐所有礪卡堡座田土租籽及屯苗備弁練勇屯丁等項細數理合逐款分晰開列於後

各項細數均另詳本門茲不具錄

一支銷銀穀

道光元年清查減租節費案內核定

奏案正款應支銀穀合穀六萬三千九百三十一石七斗七升四合

七勺三秒二撮

詳案應支銀穀合穀四千二百二十九石八斗八升七勺

籌款應支銀穀合穀一萬一千零五十六石八斗一升一合五勺

以上每年共應支銷銀穀七萬九千二百一十八石三斗

九升四合九勺三抄二撮以供屯備弁練勇俸餉鹽糧

馬乾藥鉛馬價紅白惠賞稿書工食總散屯長工食各

應縣苗兵口糧各書院屯苗義館束修膏火試資歲修

礪卡及水冲沙壓田畝巡歷苗寨散給各苗備弁兵賞

號挑運各倉租籽水腳等項經費之用

七廳縣坐支各款

查七廳縣原額租糧九萬九千九百八十八石三斗九升每年正

詳籌各款支銷原額實用銀穀九萬四千零五十五石六斗九升

五合道光元年清查案內詳請核減餘租五千九百三十五石並

將正款內減去苗兵操演藥鉛穀八百石屯備弁字識跟丁工食

銀折穀一千二百石苗倉積貯穀三千五百五十石水冲沙壓田

土工本穀一千二百石差委文武員弁屯長勘估田土飯食夫價

穀二百五十石又於詳案款內裁減修補鎮城垣穀一百石永

綏廳養濟院穀一百石修葺廟宇穀三百石籌款內裁減老幼丁

穀三千三百一十二石各廳縣辦公穀一千二百石運穀夫價水

腳押運盤費減穀四百五十石風晾鼠耗運載折耗減穀二百石  
 檢蓋倉廩修製車斛蘿席減穀五十石四款內共減去穀七百石  
 又委員辦公月費穀二千一百二十三石總共核減穀二萬零七  
 百七十石所有 奏詳籌各款現經核定 奏明每年實應支發  
 銀穀七萬九千二百一十八石三斗九升分別銀穀開造詳細款  
 目於後

奏案穀款

- 一屯外委額外三十四員名大建歲需口糧米合穀二百四十石七斗二升
- 一練勇一千名大建歲需口糧米合穀七千零八石

一屯外委額外並練勇加閏月口糧穀二百三十九石八斗八  
 升八合

- 一製造練勇屯丁藥鉛工價口糧需穀七百八十石
- 一屯丁練勇開操並喜神霜降閱操賞號以及修補屯練勇器  
 械添製軍裝等項銀改穀一千四百三十八石零九升二合
- 一屯丁紅白惠賞穀七百五十石
- 一修整水冲沙壓田土工本及賠補屯佃租穀三千零二十九  
 石 此頂咸豐五年  
暫減穀一千石
- 一書院六所生童膏火獎賞山長食穀九百四十石零七斗八  
 合八勺

- 一苗義學一百館歲需穀一千六百石 此款咸豐五年暫停二十館減穀三百二十石
  - 一各廳縣差役協同屯丁催租盤費穀一百二十石
  - 一苗戰守兵五千名歲需口糧穀二萬一千六百石
  - 一倉書斗級六十名工食銀改穀三百六十石
  - 一五廳縣苗備弁辦公銀改穀四百五十二石
- 共穀三萬八千六百四十石零四斗零八合八勺

詳案穀款

- 一書院六所生童膏火穀六百石
- 一屯苗義學二十館並加增館穀八百一十六石 此款咸豐五年暫停減穀六百一十石

- 一鳳乾永三廳義烈祠祭祀穀二百零五石一斗六升
  - 一鳳乾永保四廳縣儒學薪水穀四百石 此款咸豐五年暫停減穀一百六十石
  - 一鳳永二廳育嬰堂歲需穀六百石
  - 一鳳乾二廳養濟院歲需穀一百五十石
  - 一五廳縣苗備弁辦公穀二百八十四石
  - 一代完鳳乾永三廳苗民秋糧穀二百七十四石六斗四升八合七勺
  - 一七廳縣民苗生童試資穀一千石 此項咸豐五年暫停減穀四百石
- 共穀四千二百二十九石八斗零八合七勺

籌款穀石

一 滙辦七廳縣均屯總局委員書役薪水工食等費穀九百二十七石六斗

一 管理七廳縣收糶屯穀支發經費鹽糧俸餉等事屯長庫書工食薪水穀二百八十一石二斗

一 碾辦練勇月米車碾篩夫插子匠口糧穀一百三十六石八斗

一 賞賚催征出力之屯長花紅飯食並賞苗備弁來城辦公穀一百五十八石

一 五廳縣歲祀龍神社令穀五十四石

一 五廳縣並佐雜辦公穀二千二百四十四石

此項咸豐五年暫減穀八百九

十七石六斗

一 運送鹽糧穀石夫價水腳並押運屯長屯丁盤費穀二千六百石

道光元年清查案內議裁運穀夫價水腳並押運盤費風  
晾鼠耗運載折耗檢蓋倉廩修製車斛籬席等四款內減  
穀七百石此款內派減穀四百五十石尙應支發穀二千  
一百五十石

一 各倉風晾鼠耗穀八百石續詳加增穀二百五十石共穀一  
千零五十石

道光元年清查案內議裁運穀夫價水腳押運盤費風晾

鼠耗運載折耗檢蓋倉廩修製車斛籬席等四款內減穀七百石此二款內派減穀二百石尙應支發穀八百五十石

一各倉檢蓋及修製車斛籬席等項三百七十九石

道光元年清查案內議裁運穀夫價水腳押運盤費風瞭鼠耗運載折耗檢蓋倉廩修製車斛籬席等四款內共減穀七百石此款內派減穀五十石尙應支發穀三百二十九石

一貼補各倉屯長倉書斗級工食鹽菜口糧穀八百七十八石零九升二合五勺

一屯防廳差各役口糧盤費穀三百石

一本道巡歷五廳縣夫馬賞號穀一千石 此項咸豐五年暫減穀二百石

一承綏廳殘廢丁三百名口糧穀七百二十石

一承綏廳未授田老幼丁口糧穀四百七十石八斗

共穀一萬零五百零一石四斗九升二合五勺

三共穀五萬三千三百七十一石七斗一升

奏案銀款

一七廳縣屯守備千把外委額外五十六員名歲需俸廉銀五千九百零九兩八錢六分四釐

一屯外委額外練勇操馬六十四匹每年例應報倒馬十九匹

馬價銀二百四十七兩

一練勇一千名歲需餉乾銀一萬二千二百零七兩一錢

一練勇屯丁操演藥鉛銀一千五百兩

一屯備弁及練勇加閏餉乾計五年兩閏每年應備存銀四百五十四兩五錢二分

一練勇紅白惠賞銀一百五十兩

一歲修礮卡木石灰瓦工料銀二千九百兩

此款已停

一代完各廳縣均田糧賦銀七百七十一兩七錢零二釐

一查均田糧賦實尙少報銀一十三兩六錢九分一釐所有

一少報之處歸於各款內通融撥補

一書院六所束修銀一千一百兩

一屯守備稿書工食並加閏月銀五十一兩一錢八分

共銀二萬五千二百九十一兩三錢六分五釐九毫三絲

二忽

籌款銀兩

一辦理七廳縣報銷各冊工食等項銀一百六十六兩

一碾辦練勇月米車碾篩子插子工匠竹木價銀八十二兩三

錢二分

一練勇教場軍裝火藥二局柴火燈油加給教習工食銀五十

七兩



一賞資催征出力之屯長花紅飯食並賞苗備弁來城辦公銀二百兩

此款咸豐五年暫停

一檢蓋貼補練勇兵房銀五十兩

共銀五百五十五兩三錢二分

二共銀二萬五千八百四十六兩六錢八分六釐

總共銀穀七萬九千二百一十八石三升九合六勺

總共應支各款銀穀內由道經管支發各款銀二萬三千九

百七十四兩九錢八分五釐

又穀二萬零七百石零三斗

二共銀穀合穀四萬四千六百七十五石二斗八升五合

內有應裁穀七百二十七石六斗

鳳凰廳坐支各款銀穀合穀一萬二千五百六十九石九斗

九升二合

乾州廳坐支各款銀穀合穀五千四百七十七石五斗七升

七合

永綏廳坐支各款銀穀合穀一萬二千五百零三石四斗九

升二合

保靖縣坐支各款銀穀合穀二千七百零八石

古丈坪廳坐支各款銀穀合穀六百四十四石六斗

瀘溪縣坐支各款銀穀合穀一千零七十一石零三合

麻陽縣坐支各款銀穀合穀八百二十四石四斗零三升  
 總共應支銀穀合穀八萬零四百七十四石三斗五升二  
 合除額徵田土租穀七萬九千二百一十八石三斗九升  
 六合支發外不敷穀一千二百五十五石九斗五升六合  
 內除由道支發議裁總均屯局支銷穀七百二十七石六  
 斗外尚不敷穀五百二十八石三斗五升六合  
 由道每年經管支發各款  
 一七廳縣屯守備千把總外委額外五十六員名歲需俸廉銀  
 五千九百零九兩八錢六分四釐  
 又五年兩閏每年加銀五十四兩五錢一分四釐

一屯外委額外三十四員名大建歲需口糧米合穀二百四  
 十石七斗二升  
 又五年兩閏每年加口糧米合穀七石八斗八升八合  
 一練勇一千名歲需餉乾銀一萬二千二百零七兩一錢  
 又五年兩閏每年加銀四百兩零六釐  
 一練勇一千名大建歲需口糧米合穀七千零八石  
 又五年兩閏每年應加口糧米合穀二百三十二石  
 一屯外委額外練勇操馬六十四匹每年例應報倒馬十九匹  
 馬價銀二百四十七兩  
 一練勇屯丁操演藥鉛共銀一千五百兩又穀七百八十石

一屯練丁勇開操迎喜神霜降閱操屯練賞號以及補修屯練器械添製軍裝等項改穀一千四百三十八石九升二合

一練勇紅白惠賞一百五十兩

一屯丁紅白惠賞穀七百五十石

一屯守備稿書工食並加閏月銀五十一兩一錢八分

一歲修礪卡木石灰瓦工料銀二千九百兩 此項暫停

一修理水冲沙壓田土工本及貼補屯田租穀三千零三十九石 咸豐五年暫減穀一千石

一七廳縣苗民生童試資穀一千石 暫減穀四百石

一匯辦七廳縣均屯總局委員書役薪水工食等項穀九百二

十七石六斗

一管理七廳縣收糶屯穀支發經費鹽糧俸餉等事屯長庫書

工食薪水穀二百八十一石二斗

一報銷各冊工食紙張工價等銀一百九十六兩

一碾辦練勇月米車碾篩夫插子匠口糧鹽菜穀一百三十六

石八斗又銀八十二兩三錢二分共銀穀二百一十九石一

斗二升

一練勇教場軍裝火藥二局柴火燈油教習工食銀五十七兩

一檢蓋貼補練勇兵房銀五十兩

一本道巡歷五廳縣夫馬賞號穀一千石 暫減二百石

一賞資催征出力之屯長花紅飯食並賞苗備弁來城辦公飯食穀一百五十八石又銀二百兩 此項銀暫停

一屯防廳差各役口糧盤費穀三百石

一挑運七廳縣鹽糧經費租籽運費共穀二千一百五十石

一各廳縣征收租籽挑運盤載風晾鼠耗共穀八百五十石 此款暫停

百石

一屯苗各倉每年檢蓋貼補及修製車斛籬席等件共需穀三百二十九石

以上三十款由道飭發銀二萬三千九百七十四兩九錢八分四釐穀二萬零七百石零三升 二共銀穀四萬四千六

百七十五石二斗八升四合

鳳凰廳經管屯防應發正詳籌各款坐支銀穀數目

奏案內應發

敬修書院山長束修銀二百四十兩 改發穀石

又食米十石合穀二十二石二斗二升

又五年兩閏每年加穀八斗八升八合八勺 由道支發

又齋夫二名食穀一十三石二斗

又正課生員十二名每名每月膏火穀一石二斗十箇月共穀

一百四十四石

又副課生員十名每名每月膏火穀六斗十箇月共穀六十石

又正課童生九名每名每月膏火穀八斗十箇月共穀七十二石

又副課童生十四名每名每月膏火穀四斗十箇月共穀五十六石

又每月獎賞穀二石四斗十箇月共穀二十四石 改賞錢文

又聘金啓學酒席穀四石 改發銀兩

又延山長盤費考取點心穀五石 改發銀兩

屯苗義學五十二館穀八百八十四石 現改發穀五百二十石

又苗童二十名來城讀書膏火穀二百四十石

鳳凰廳屯糧庫平紋銀五十三兩三錢九分一釐四毫又添平

火耗市平紋銀十五兩 由道支發

苗戰守兵一千六百名口糧穀八千六百四十石 由道支發

正籌款內

西倉倉書一名工食穀六石又口糧穀七石八升 現發六成工食口糧穀七石八斗

西倉斗級二名工食穀十二石又口糧穀十四石一斗六升 現發

西倉當差屯丁三名鹽菜錢六千三百七十二文 合穀六石三斗七升二合

又口糧穀二十一石二斗四升 現發穀一十六石六斗

穀七石八斗  
四升八合

新場倉斗級倉夫二名工食穀十二石

又口糧穀十四石一斗六升現發工食口糧穀一十五石六斗九升六合

得勝營倉倉書一名工食穀六石

又口糧穀七石零八升現發工食口糧穀七石六斗八升

得勝營倉斗級一名工食穀六石

又口糧穀七石零八升現發工食口糧穀七石六斗八升

得勝營倉倉夫一名鹽菜穀四石八斗

又口糧穀七石二斗現發鹽菜口糧穀七石二斗

三拱橋倉斗級二名口糧穀十四石四斗現發口糧穀八石六斗四升

長凝哨倉斗級一名口糧穀七石二斗現發口糧穀四石三斗二升

同全坡倉斗級一名工食穀六石

又口糧穀七石二斗現發工食口糧穀七石九斗二升

木里倉斗級一名口糧穀七石二斗現發口糧穀四石三斗二升

馬鞍山倉斗級一名口糧穀七石二斗現發口糧穀四石三斗二升

老田衝倉斗級一名口糧穀七石二斗

新洞坪倉斗級一名口糧穀七石二斗

古桑營倉斗級一名口糧穀七石二斗以上均現發口糧穀四石三斗二升

浪中江倉倉書一名工食穀六石

又口糧穀七石二斗現發口糧穀三石六斗

又斗級一名口糧穀三石六斗 現發口糧穀二石一斗六升

新寨倉斗級一名口糧穀七石二斗

田坪倉斗級一名口糧穀七石二斗

巖口塘寨龍角洞三倉斗級一名口糧穀七石二斗

鴨堡些倉斗級一名口糧穀七石二斗

大田倉斗級一名口糧穀七石二斗

靖疆營倉斗級一名口糧穀七石二斗

火麻營倉斗級一名口糧穀七石二斗

高都倉斗級一名口糧七石二斗

爆木營倉斗級一名口糧穀七石二斗

科甲巴科巖尾三倉斗級一名口糧穀七石二斗 以上均現發口糧穀四石

三斗二升

木江坪倉斗級一名口糧穀一石 現發口糧穀六斗

德畱坪永安倉永安倉殺牛坪甕來倉竹林坪新巖橋黃會營

舒家塘杜望倉新場倉治牙倉新場倉古衝倉茶坪倉得勝

嶺白泥塘芭蕉腦沙羅寨麻子坳大寨倉楊家寨楊家洞清

水哨土黃塘旺畬倉永安倉鴉拉營柘木衝零寨倉十八坪

共三十一倉每倉歲給口糧穀一石共穀三十一石 每倉現發口糧

穀六斗共穀一十八石六斗

永安三甲倉小旗幫收屯租口糧穀一石二斗

麻都灣倉斗級口糧穀五斗 現發口糧穀三斗

苗備弁十五名共辦公穀一百八十四石 現發穀一百一十石零四斗

又聽差苗兵一名工食穀六石

本廳義烈祠每月香紙燈油錢一百五十文歲需錢一千八百

文合穀一石八斗

又三月清明七月十五日十月初一日三次祭祀穀六十石米

九斗合穀一十八石

傅公祠三月清明七月十五日二次祭祀穀十八石又歲需燈

油香紙錢四千零八文合穀四石零八升

本廳儒學穀一百石 咸豐五年暫減四成實發穀六十石

本廳育嬰堂穀三百石內育嬰孩二十八口糧米合穀一百九

十八石二斗四升

又看堂民婦二名口糧米合穀十四石一斗六升又每月工食

燈油穀八斗共穀九石六斗

又子孫娘娘聖誕香燭合穀四斗 以上現共發二百一十二石四斗

本廳養濟院穀一百石內現養男婦十九名口歲需口糧米合

穀四十一石零四升又三節每名賞錢一百文共錢五千七

百文合穀五石七斗如有病故一名賞木板錢四百文

本廳苗民雜糧穀一百五十七石七斗折庫平紋銀九十四兩

六錢二分 由道支發



歲祀龍神社令穀三十八石四斗

鎮城西屯倉燈油穀三石六斗又二八月及開倉祭祀倉神每

次穀八斗共穀二石四斗

新場總倉倉神燈油穀三石六斗 現發穀二石一斗六升

得勝營總倉倉神燈油穀三石六斗 現發穀二石一斗六升

三拱橋總倉倉神燈油穀二石四斗 現發穀一石四斗四升

本廳辦公穀三百石 咸豐五年暫減四成 實發穀一百八十石

經歷知事巡檢三員穀三百石 暫減四成實發 穀一百八十石

醫生穀二十四石

得勝嶺倉基穀八斗

楊家洞倉基穀五斗

以上正詳籌各款共需坐支銀穀一萬二千二百二十九石

九斗九升二合

捐款

冊檔所委員月費穀一百二十石

知事月費穀一百石

巡檢管理瀘麻屯務月費穀一百二十石 以上三款由道支發 久已議裁

總共鳳凰廳坐支各款穀一萬二千五百六十九石九斗九

升二合內應除由道支發山長束修銀二百四十兩

又聘金酒席穀四石 山長加閏月穀八斗八升八合八勺

山長盤川考取生童點心穀五石 鳳凰廳屯糧庫平銀五十三兩三錢九分一釐四毫又添平火耗市平銀十五兩

苗<sup>戰</sup>守兵<sup>四</sup>一千六百<sup>百</sup>名口糧穀八千六百四十石民苗雜糧庫平銀九十四兩六錢二分 捐款穀三百四十石 共除穀九千三百九十二石九斗零二勺 實坐支穀三千一百七十七石零九升二合 計每季應坐支穀七百九十四石二斗七升三合

乾州廳經管屯防應發正詳籌各款坐支銀穀數目

奏案內應發

立誠書院山長束修薪水銀一百六十兩生童膏火穀三百六

十五石四斗 束修改發穀石現發生童膏火咸豐五年改減穀一百六十九石 均由道支發

屯苗義學十九館穀三百二十八石 咸豐五年改減實發穀二百石

苗<sup>戰</sup>守兵<sup>六</sup>六百四十<sup>十</sup>名口糧穀三千四百五十六石 由道支發

催差口糧鹽菜投文盤費穀十二石 現發穀七石二斗

屯糧銀十三兩八錢八分五釐 由道支發

籌款內

倉書三名口糧工食穀二十九石六斗 現發穀二十三石七斗六升

總屯長勘田造冊及赴鎮城歲需辦公穀二十石 現發穀十二石

總屯長四名辦公穀九十一石二斗 現發三名穀四十石零二斗二升

屯局差役六名口糧鹽菜穀四十三石二斗 現發穀二十五石九斗二升

屯長鄉保催租盤費穀一百一十二石 現發穀一十六石二斗

苗備弁辦公催租口糧穀四十三石 現發穀二十五石六斗八升

義烈祠並傅公祠歲需祭費穀三十九石八斗 現發穀二十三石八斗八升

儒學穀一百石 現發穀六十石

養濟院孤貧四十名口糧穀五十石

苗民雜糧穀五十二石八斗二升 折銀三十一兩六錢九分二釐由道支發

本廳辦公穀三百石 咸豐五年暫減實發穀一百八十石

經歷巡檢辦公穀二百石 咸豐五年暫減實發穀一百二十石

以上正詳籌各款共需坐支穀五千二百四十四石七斗七升七合

捐款

屯防辦公紙札穀三十石 現發穀十八石

天王 龍王 關帝 火神 伏波 城隍六廟折半口糧穀

二十一石六斗 現發穀十二石九斗六升

又六處並昭忠祠小溪菴傅公祠案牘共十處燈油穀三十六石 現發穀二十一石六斗

傅公祠住持鹽菜口糧穀十石零八斗 現發穀六石四斗八升

先農社稷二壇口糧穀七石二斗 現發穀四石三斗二升

上下南門河渡夫二名折半口糧穀七石二斗

巡檢月費穀一百石 此款久已議裁以上捐款由道支發

總共乾州廳坐支穀五千四百七十七石五斗七升七合  
內應除由道支發山長束修銀一百六十兩 屯糧銀十  
三兩八錢八分五釐 民苗雜糧銀三十一兩六錢九分  
二釐 捐款穀二百三十二石八斗 苗戰守兵一百六十  
名口糧穀三千四百五十六石 共除穀二千八百九十  
四石三斗七升七合 實坐支穀一千五百八十石三斗  
二升 計每季應支穀三百九十五石八斗

奏案內應發

永綏廳經管屯防應發正詳籌各款坐支銀穀數目

綏陽書院山長束修薪水生童膏火穀五百石 束修改發穀石  
生童膏火獎賞

穀二百  
零二石

屯苗義學三十三館內多一館館穀五百二十八石 咸豐五年  
暫減現發

十七館穀二  
百七十二石

加最深義學館穀五十六石 外應發請捐義學十二  
館穀一百九十二石

永綏廳應領藩庫學俸銀一百九十二  
兩解道歸補穀價現係由道咨司代領

苗戰守兵三百八十 由道支  
發 名口糧穀七千八百四十八石

籌款內

總屯長辦公穀四十八石 現發穀二十八石八斗

幫辦辦公穀二十四石

總散屯長十二名辦公穀一百九十二石 現發穀一百一十五  
石二斗

增設清書一名口糧工食穀十九石二斗

屯書二名口糧工食穀三十八石四斗

局差二名口糧工食穀二十六石四斗清屯書共四名現發穀四十六石八斗

斗級八名口糧工食穀一百零五石六斗現發穀十五石八斗四升

倉書一名口糧工食穀十三石二斗

掃把倉斗級車夫四名三箇月口糧工食穀七石二斗

鉛廠倉斗級車夫四名四箇月口糧工食穀九石六斗

隆團倉斗級車夫四名五箇月口糧工食穀十二石

尖巖倉斗級車夫四名五箇月口糧工食穀十二石

科耳倉斗級車夫二名兩箇月口糧工食穀二石四斗

長潭倉斗級車夫二名四箇月口糧工食穀九石六斗

窩勻倉斗級車夫四名三箇月口糧工食穀七石二斗

下寨倉斗級車夫四名三箇月口糧工食穀七石二斗

董馬倉斗級車夫二名三箇月口糧工食穀三石六斗

鴨保倉斗級車夫四名四箇月口糧工食穀九石六斗

排打扣倉斗級車夫四名三箇月口糧工食穀七石二斗

高巖倉斗級車夫二名兩箇月口糧工食穀二石四斗

新倉斗級車夫四名三箇月口糧工食穀七石二斗

螺獅瑾倉斗級車夫二名三箇月口糧工食穀三石六斗

排補美倉斗級車夫二名三箇月口糧工食穀三石六斗

窩大招倉斗級車夫二名兩箇月口糧工食穀二石四斗

巖落倉斗級車夫二名兩箇月口糧工食穀二石四斗

排料倉斗級車夫二名兩箇月口糧工食穀二石四斗以上現發穀一

百三十八石  
二斗四升

本廳苗備弁辦公穀計掃把倉穀二十石

鉛廠倉穀二十四石

隆團倉穀四十四石

又加賞穀八石

接溪倉穀六石

尖巖倉穀四十八石

長潭倉穀五十六石

科耳倉穀八石

加賞號穀十二石

又加賞穀二十四石

窩勻倉穀三十石

下寨倉穀十五石

董馬倉穀十六石

鴨保倉穀三十六石

加賞號穀十二石

排打扣倉穀二十四石

加賞號穀十二石

高巖倉穀十二石 又用費穀八石

新倉穀二十四石

螺螄瑾倉穀二十五石

排補美倉穀二十五石

窩大招倉穀十二石

巖落倉穀十二石

排料倉穀八石 以上現共發穀一百零三石六斗

永綏儒學穀一百石 現發穀六十石

育嬰堂穀三百石實用穀二百四十三石四斗一升三合 現發穀二百三十五石二斗

苗民雜糧米七十二石八斗四升合穀一百四十五石六斗八升

本廳辦公穀三百石 現發穀一百八十石

經歷知事辦公穀二百石 現發穀一百二十石

永綏殘廢丁三百名口糧穀七百二十石

老幼丁一百九十九名口糧穀四百七十七石零六斗

以上正詳籌各款共需坐支銀穀一萬二千二百二十二石二

斗九升二合

捐款

承綏收支所經費穀一百石 又加穀十八石現發五十四石

稽查屯防月費穀一百二十石

馬餉一分穀三十六石口糧穀七石二斗 共合穀四十三石二斗

候補額外辦公穀十八石

以上共捐款穀二百九十九石二斗 由道支發

總共承綏廳坐支各款銀穀一萬二千五百二十一石四

斗九升二合 外添設更夫一名鹽菜口糧穀十三石二

斗 加給苗弁穀十石 總共穀一萬二千五百四十四

石六斗九升二合內應除由道支發捐款穀二百九十九

石二斗

苗戰兵 三百八十名 口糧穀七千八百四十八石 共除

穀八千一百四十七石二斗 實坐支穀四千三百九十七

石四斗九升二合 計每季坐支穀一千零九十九石三斗

七升三合

古丈坪廳經管屯防正詳籌各款坐支銀穀數目

奏案內應發

屯苗義學三館穀四十八石 現發穀二十四石

苗守兵一百名口糧一百六十石 由道支發

詳籌款內



催差口糧鹽菜穀八石六斗 現發穀五百一斗六升

倉書一名工食穀七石二斗 現發穀四石三斗二升

斗級一名工食穀六石 現發穀三石六斗

歲祀龍神穀二石八斗

本廳辦公穀二百石 現發穀一百二十石

差費紙張穀十二石

總共古丈坪廳坐支各款穀六百四十四石六斗內應除

由道支發苗守兵一百名口糧穀三百六十石 實坐支

穀二百八十四石六斗 計每季應坐支穀七十一石一

斗五升

保靖縣經管屯防應發正詳籌各款坐支銀穀數目

奏案內應發

雅麗書院山長東修薪水膏火獎賞穀四百石 山長東修改發穀石生童膏火

獎賞現發穀二百零五石六斗

延山長聘金銀二兩 由道支發

屯義學十四館穀一百六十八石 現發穀一百五十二石

苗守兵<sup>六</sup>二百四十<sup>十</sup>名口糧穀一千二百九十六石 由道支發

屯糧銀九兩六錢九分折穀十四石

儒學穀一百石 現發穀六十石

本縣辦公穀三百石 現發穀一百八十石

巡檢典史辦公穀一百二十石 現發穀七十二石

以上詳籌各款共坐支銀穀二千五百石

捐款

傅公祠香燈穀六石 現發穀三石六斗

稽查屯防月費穀一百二十石

屯局屯倉辦公經費穀六十石 現發穀三十六石

總屯長辦公穀二十四石 現發穀一十四石四斗

以上捐款穀二百一十石 由道支發

總共保靖縣坐支各款穀二千七百一十石外添設倉書

一名口糧穀七石二斗 總共穀二千七百一十七石二

斗內應除由道支發山長聘金銀二兩 捐款穀二百一

十石

苗 戰兵 六 名口糧穀一千二百九十六石 共除穀一

千五百零八石 實坐支穀一千二百零七石二斗 計每

季應坐支穀三百零一石八斗

瀘溪縣經管屯防應發正詳籌各款坐支銀穀數目

奏案內應發

觀瀾書院山長束修薪水銀一百六十兩又聘金銀二兩又延

山長盤費銀二兩又上館酒席銀二兩 均改發穀石由道支付

正課生員六名每名每月膏火穀一石十箇月共穀六十石

副課生員九名每名每月膏火穀五斗十箇月共穀四十五石  
正課童生五名每名每月膏火穀八斗十箇月共穀四十石  
副課童生十一名每名每月膏火穀四斗十箇月共穀四十四石

又十箇月獎賞穀十二石 現發穀十六石  
又送卷盤費銀八兩

正籌款內

浦市倉催差鹽菜穀三石口糧穀三石  
麻坪倉催差口糧鹽菜穀一石  
蘭村倉催差口糧鹽菜穀一石

縣城倉催差口糧鹽菜穀一石  
興隆倉催差口糧鹽菜穀二石  
蹈虎倉催差口糧鹽菜穀二石  
上廣倉催差口糧鹽菜穀二石  
合水倉催差口糧鹽菜穀一石  
霧露倉催差口糧鹽菜穀一石  
小章倉催差口糧鹽菜穀一石  
都蠻倉催差口糧鹽菜穀一石  
利略倉催差口糧鹽菜穀一石  
狗埕岩催差口糧鹽菜穀一石

屯糧庫平紋銀四百六十兩零五錢六分一釐

又添平火耗市平元銀三十六兩八錢四分二釐 由道代解

縣城倉斗級口糧鹽菜穀二石二斗 現發穀一石三斗二升

浦市倉總屯長一名工食穀三十石

又口糧穀二十八石八斗 現發穀三十五石二斗八升

斗級車夫四名工食穀四十八石

又口糧穀二十八石八斗 現發穀四十六石零八升

又更夫一名工食穀三十石六斗

又口糧穀七石二斗 現發穀六石四斗八升

蘭村倉麻坪倉都蠻倉利略倉狗垭岩合水倉興倉踏虎倉霧

露倉小章倉十倉每倉斗級口糧鹽菜穀二石二斗共穀二十

二石 蘭村等九倉每倉現發穀一石三斗二升  
興隆場倉現發穀一石九斗八升

上廣倉斗級口糧鹽菜穀三石三斗 現發穀一石九斗八升

浦市倉神燈油穀三石六斗 現發穀二石一斗六升

總共瀘溪縣應發正詳籌各款坐支銀穀一千零七十一

石零三合內應除由道支發屯糧庫平銀四百六十兩零

五錢六分一釐 添平火耗市平元銀三十六兩八錢四

分二釐 山長束修銀一百六十兩 又聘金銀二兩

又盤費銀二兩 又酒席銀二兩 共除銀六百六十三

兩四錢零三釐 實坐支銀穀四百零七石六斗 計每

季應坐支穀一百零一石九斗

麻陽縣經管屯防應發正詳籌各款坐支銀穀數目

奏案內應發

錦江書院山長束修薪水銀一百六十兩

又聘金銀二兩 束修改發穀石  
由道支付

又正課生員五名每名每月膏火穀一石十箇月共穀五十石

又副課生員七名每名每月膏火穀五斗十箇月共穀三十五石

又正課童生五名每名每月膏火穀八斗十箇月共穀四十石

又副課童生十五名每名每月膏火穀四斗十箇月共穀六十石

又獎賞穀十二石

縣城倉催差口糧穀四石 現發穀七石

拖衝倉李家坪火麻坪板栗樹四倉每倉催差口糧穀一石共

穀四石 拖衝倉現發穀二石  
李家坪等三倉現發穀一石

馬家口岩門倉淥溪口倉濫泥倉江口倉五倉催差口糧穀二

石共穀十石

屯糧庫平紋銀一百九十七兩八錢零三釐 由道代解

縣城倉屯長鹽菜穀十石零八斗又口糧穀七石二斗

又斗級一名工食穀六石又口糧穀七石二斗

石羊哨倉屯長鹽菜穀十石零八斗口糧穀七石二斗

又斗級一名工食穀六石又口糧穀七石二斗

淶溪口倉屯長鹽菜穀十石零八斗口糧穀七石二斗

又斗級一名工食穀六石又口糧穀七石二斗

拖衝倉屯長鹽菜穀十石零八斗又口糧穀七石二斗

又斗級一名工食穀六石又口糧穀七石二斗

馬江口倉屯長鹽菜穀十石零八斗又口糧穀七石二斗

又斗級一名工食穀六石又口糧穀七石二斗以上現發屯長穀十石零八斗

斗級穀七石九斗二升

李家坪倉屯長一名鹽菜穀五石四斗又口糧穀三石六斗

又斗級一名工食穀三石又口糧穀三石六斗

濫泥倉屯長一名鹽菜穀五石四斗又口糧穀三石六斗

又斗級一名工食穀三石又口糧穀三石六斗

岩門倉屯長一名鹽菜穀五石四斗又口糧穀三石六斗

又斗級一名工食穀三石又口糧穀三石六斗

火麻坪倉屯長一名鹽菜穀五石四斗又口糧穀三石六斗

板栗樹倉屯長一名鹽菜穀五石四斗又口糧穀三石六斗以上

發屯長穀五石四斗斗級穀三石九斗六升

岩門倉租廟貯穀六斗

江口倉租廟收穀三石

李家坪倉租店收穀二石  
縣城倉檢蓋圍牆穀一石

總共麻陽縣應發正詳籌各款坐支銀穀八百二十四石  
四斗零三合 又加山長穀一十二石 加看守江口公  
館斗級穀六石六斗 加縣城倉催差口糧穀三石 總  
共坐支穀八百四十六石零三合內應除由道支發山長  
東修銀一百六十兩 聘金銀二兩 屯糧銀一百九十  
七兩八錢零三釐 看守江口公館穀六石六斗 共除  
銀穀三百六十六石四斗零三合 實坐支穀四百七十  
九石六斗 計秋冬每季應坐支穀一百四十八石五斗

五升 春夏每季應坐支穀九十一石二斗五升





徵無多尙易敷衍設有水旱偏災佃民既無力完租經費卽無從支發邊防所繫大局攸關夙夜籌維時深焦灼卷查苗疆原設儲備銀穀從前因公動用於嘉慶十九年清查歸補之後因歲收歉薄道庫歷年經費不敷節次動墊無歸復於二十五年奏准借撥司庫征存地丁銀十萬兩發交漢商生息陸續歸補本款餘儘當年應支經費及歸補籌備有案現值道庫儲備空虛司庫又形支絀可否仰懇 憲恩俯念邊陲緊要飭令藩司在於鹽貨釐金項下籌撥銀一萬兩解存道庫發交殷實典商生息以資儲備計每年一分起息可得銀一千二百兩八年之間卽可歸還庫本以後所得息銀積有成數又可提出再行交商生息如此則儲備可漸積有資不致臨時掣肘仍由道詳明立案如非水旱之年徵收歉薄不准擅行動用以杜浮冒職道爲籌備邊防要需起見是否可行伏祈 訓示遵行實爲公便

行外海 諸國屬子皆無不歸  
無不歸屬子皆無不歸  
歸不歸屬子皆無不歸  
歸不歸屬子皆無不歸

卷十三終

